

王
氏
醫
案

古王者慮民之疾痛天札也而設醫官予之祿使士人爲之蔡善也降自後世民不聊生於是去而爲醫以餬余口問之醫蓋茫如此非生民之災乎孟英志古之士也尊甫黜滄先生喜施予捐館之日家赤貧賴母夫人以儉勤支柱孟英孤露輒思自異精於醫非所志也故嘗披覽墳素慨慕古人落落自喜其胸次有如此而余則闕其處己之私有較然不欺者如與弟同財事母無私蓄交友不負平生之言數端者於古人爲難其他隱德細行可無論也今年春兒婦產後病劇諸醫罔效孟英自江右歸而五閱月之錮患以釋夫自來操術之奇或富有著述或

獨行堪師見諸志乘者代不過數人若孟英兼而有之其必傳無疑顧予獨慨乎今之世去古日遠而士之有志於古者不能不挾術以與今遊則幾何而不以今之醫溷之也然則孟英亦慎持此志乎哉孟英向有回春錄醫案行世張君柳吟復輯近案名曰仁術志余叅與其事今將續梓謹以余所知其人者錄其大槩焉以序庚戌七月仁和趙夢齡

醫之道難言矣非有絕人之智則不克澈其精深非有濟世之仁則不肯殫其心力仁且智矣而無著述以傳則澤及一時而勿能垂百世此軒岐所以有著述也古者醫必三世治尙十全醫者皆深通是道故內經之書簡奧不繁至漢張機始備方至宋許叔微始有醫案由後世以醫爲市業者多而知者愈少不得不詳述醫案俾循途不悞亦仁人之用心也叔微之後張杲有醫說明孫泰來輯其父一奎之治驗陳桷記其師汪機之治驗並爲醫案江瓘復有名醫類案 國朝魏之琇續之此皆宅心仁智非炫世弋名者故其書至今重焉余家杭州五十載閱

醫多矣求其能通內經者蓋尠能自述其治驗者則未嘗有也
後交王君孟英而得見其書心竊異之今聞楊君素園將爲續
梓余不知孟英之學于仲景何如也若以繼叔微諸君之書誠
無愧矣故爲之序孟英內行之篤治術之精已見楊趙序中不
復贅云庚戌七月既望秀水莊仲方

例言

一孟英醫案周氏采自甲申迄於癸卯凡二十年治驗僅得二卷其遺漏必多然不遑補輯茲起甲辰仍仿編年之例以便逐年采續

一詳載姓字信而可徵此前例當遵非浪費筆墨第見聞有限難免遺珠遺望四方同志廣爲蒐羅也

一回春錄所載雜證之案爲多感證之案間及而已良以感證方治每多相似周氏不諳斯道諒難鑒別而孟英於內傷外感無所不長至於治溫尤推巨擘茲編於溫證治案不忍多

刪讀者須於大同小異之中澄心研究自可悟其微妙也

一孟英之案不徒以某方治愈某病而已或議病或辨證或論方藥或談四診至理名言隨處闡發或繁或簡或淺或深別有會心俱宜細玩

一案中有直用古方者是胸有成竹信手拈來頭頭是道也有不用古方之藥而用其意者蓋用藥如用兵不能執死方以治活病也有竟不用古方者乃良藥期於利濟不必期於古方也苟非讀書多而融會貫通於其心奚能辨證清而神明化裁出其手天機活潑生面別開不媿名數一家道行千里

矣

一 同人輯此原爲開醫家之智慧擴病者之生機非有利心翻刻不究但須校對真確庶不貽誤後人

甲辰春予館於蘇撫孫賞谷親家署中偶見回春錄二卷乃吾
畏友王君之醫案也亟爲卒讀因歎孟英抱用世之才工壽世
之術周君輯而存之其功大矣其傳必矣或疑案中多引而未
發之言似非嘉惠來茲之道余謂不然夫醫者意也昔人云吾
意所解口不能宣詎有所吝而不言耶錄其已言垂爲後世法
輯案者之意也求所未言然契作者意讀案者之法也試以此
質之孟英必以余爲善讀焉後之覽者將更有好學深思心知
其意而爲之注釋其書神明其法以宏其壽世之道奚止善讀
如余而已哉惟余老矣沒世無稱聖人所疾羨周君之先我著

鞭敢不勉爲追步以期附驥而彰爰采今年耳目所及之如干
案志諸劄劄且回春之名似與萬病回春相襲乃題其篇曰仁
術志袁子所謂堯舜之政周孔之教神農之藥皆術也皆所以
行其仁也雅廣仁術是所望於續刻之君子

王氏醫案續編卷一

原名仁術志

浙西王士雄孟英醫案

山左張

鴻柳吟詩輯

高若舟偶患腹脹醫投溫運漸至有形如痞時欲衝逆吐酸益信爲虛寒之疾溫補之藥備嘗飲食日減其痞日增肌肉漸消臥榻半載甲辰春迓孟英診脈沈絃而爽滑大解不暢小溲渾短苔色黃膩乃肝鬱氣結鬱則生熱補則凝痰與厄棟莢連元胡烏藥旋枳鷄金鼈甲茹橘芥夏等藥服之證雖遞減時發寒此少陽熱四肢痠痛或疑爲瘡孟英曰此氣機宜達鬱熱外泄病之出

路○豈○可○截○乎○參○以○秦○艸○柴○胡○豆○卷○羚○羊○蠶○砂○桑○枝○之○類○迎○而○導○
之○人○皆○疑○久○病○元○虛○藥○過○涼○散○而○若○舟○堅○信○不○疑○孟○英○識○定○不○
惑○寒○熱○漸○息○攻○衝○亦○止○按○其○腹○尙○堅○硬○時○以○龍○薈○滾○痰○丸○緩○導○
之○飲○食○遞○加○漸○次○向○愈○若○舟○善○作○隸○因○集○詩○品○書○一○聯○以○贈○孟○
英○云○古○鏡○照○神○是○有○真○宰○明○漪○絕○底○如○見○道○心○蓋○頌○其○隔○垣○之○
視○也○

趙聽樵室高若舟之妹也去冬偶患腕痛黃某治之漸增頭疼

眩暈。而、過、投、蒼、蠶、亦、能、致、其、痛、又、誤、投、滋、補、乎。

眩暈氣逆嘔吐痰多不寐便溏不食經事不行始謂其虛三月
後又疑爲娠諸藥徧試病日以進若舟延孟英脈之左絃而數

右滑以駛。曰病藥耳。旬餘可瘳。趙疑大病小視。不服其方。越半月病者頸。輒頭難舉。醫謂天柱已倒。勢無望矣。若舟聞之。復懇援於孟英。疏方仍是前診之法。趙問此病諸醫束手。大劑補藥。尙無寸效。而君兩次用藥。皆極清淡。雖分兩頗重。亦焉能有濟乎。孟英曰。子何愚耶。藥惟對證。乃克愈病。病未去而補之。是助桀也。病日加而補益峻。是速死也。原彼初意。非欲以藥殺人。總緣醫理未明。世故先熟。不須辨證。補可媚人。病家雖死不怨。醫者至老無聞。一唱百和。孰能挽此頹風。令壺體質雖豐。而陰虛有素。是以木少水涵。肝陽偏盛。上侮於胃。則爲脘痛。斯時投以

○藥○香○獨○得○之○秘○
酸○苦○泄○肝○甘○涼○養○胃○數○日○而○愈○矣○乃○溫○補○妄○施○油○添○火○上○肺○津
胃○液○灼○燥○無○餘○怒○木○直○升○樞○機○窒○塞○水○飲○入○胃○凝○結○爲○痰○雖○見
證○多○端○皆○氣○失○下○降○豈○可○指○眠○食○廢○以○爲○勞○月○汎○爽○而○爲○妊○耶
予○以○大○劑○輕○淡○之○品○肅○清○氣○道○俾○一○身○治○節○之○令○肝○膽○逆○升○之
火○胃○府○逗○留○之○濁○樞○機○鬱○遏○之○熱○水○飲○凝○滯○之○痰○咸○得○下○趨○自
可○向○愈○不○必○矯○枉○過○正○而○妄○以○硝○黃○傷○正○氣○所○謂○藥○貴○對○證○而
重○病○有○輕○取○之○法○非○敢○藐○視○人○命○故○將○疲○藥○塞○責○也○趙○極○感○悟
投○匕○卽○效○踰○旬○果○安○又○一○月○經○至○嗣○與○滋○養○康○復○如○常○越○二○載
又○病○復○惑○於○黃○某○而○孟○英○之○功○盡○墮○惜○哉○

發熱惡寒頭疼
自汗皆桂枝證
此人必津液素
少故肝失
上衝肺
所養而口
渴也

馬某年三十餘。素用力。患發熱惡寒。肢振自汗。少腹氣上衝胸。建中之頭疼口渴。孟英診曰。衛虛風襲。而絡脈久傷。肝風內動。與建中力在。給。雙。今。去。給。仍。是。桂。枝。證。去。錫加龍牡。石英。菴菴。棟實。桑枝。數帖而痊。

李燕標參戎於癸夏將欲赴都館於石北涯家。項後患疽。外科僉云不治。孟英薦老醫朱嵩年療之。漸安。孟英偶診其脈。謂北涯曰。李證有可愈之機。脈難久享其年。北涯驚問所以。孟英曰。左尺堅搏。真陰已傷。非善象也。既而告痊。北上。今春果卒於京。李叟年越古稀。意欲納妾。雖露其情。而子孫以其耄且瞽。也不敢從。因此漸病。狂惑羣醫。咸謂神志不足。廣投熱補之藥。愈服

愈劇始延孟英診之脈勁搏指面赤不言口涎自流力大無制。曰此稟賦過強陽氣偏盛姑勿論其脈證卽起病一端概可見矣。如果命門火衰早已痿靡不振焉能興此念頭醫見其老輒疑其虛須知根本不堅實者不能享長年既享大壽其得於天者必厚况人年五十陰氣先衰徐靈胎所謂千年之木往往自焚陰盡火炎萬物皆然去冬吾治邵可亭孤陽喘逆壯水清火之外天生甘露飲灌至二百餘斤卽梨汁也病已漸平僅誤於兩錢薑湯前功盡墮可見陰難充長火易燎原今附桂仙茅鹿茸參戟河車等藥服之已久更將何物以生其涸竭之水而和

此四損證之最
重者治稍不善
則證物如便不
可保此案深可
爲法

其亢極之陽乎。尋果不起。

程燮庭乃郎芷香。今春病溫而精關不固。旬日後陡然莖縮。寒
顫自問不支。人皆謂爲虛瘡。欲投參附。孟英曰。非瘡也。平日體
豐多溼。厚味釀痰。是以苔膩不渴。善噫易吐。而吸受風溫。卽以
痰溼爲山險。乘其陰虧。陽擾流入厥陰。甚易。豈容再投溫補。以
劫液錮邪。而速其瘵。厥耶伊家以六代單傳。父母深憂之。堅求
良治。孟英曰。予雖洞識其證。而病情膠韃。縱有妙劑。難許速功。
治法稍乖。亦防延損。雖主人篤信。我有堅持。恐病不卽瘳。必招
物議。中途岐惑。其過誰歸。倘信吾言。當邀顧聽。泉會診。旣可匡

予之不逮。卽以杜人之妄議。程深然之。於是王顧熟籌。安治。午
後。進。肅。清。肺。胃。方。以。解。客。邪。蠲。痰。溼。而。斡。樞。機。早。晨。投。涼。腎。舒
肝。法。以。靖。浮。越。搜。隧。絡。而。守。關。鍵。病。果。遞。減。奈。善。生。嗔。怒。易。招
外。感。不。甘。澹。泊。反。復。多。次。每。復。必。莖。縮。寒。顫。甚。至。齒。縫。見。紫。血
。辦。指。甲。有。微。紅。色。溺。短。而。渾。黑。極。臭。孟。英。曰。幸。上。焦。已。清。中。樞
已。運。亟。宜。填。腎。陰。清。肝。熱。以。西。洋。參。二。冬。二。地。菝。蓉。花。粉。知。蘖
連。棟。斛。芍。石。英。牡。蠣。龜。板。鼈。甲。阿。膠。鷄。子。黃。之。類。相。迭。爲。方。大
劑。連。服。二。十。餘。帖。各。恙。漸。退。繼。以。此。藥。熬。膏。晨。服。午。用。繆。氏。資
生。丸。方。各。品。不。炒。皆。生。曬。研。末。竹。瀝。爲。丸。枇杷。葉。湯。送。下。服。至

入秋始得康健。孟英曰：古人丸藥皆用蜜，最屬無謂。宜各因其證而變通之。此其一法也。

翁嘉順室媿後發熱。竹林寺僧治之，不應。溫龔二醫皆主生化湯加減，病益劇。請孟英診之，脈爽滑微數，曰：素體陰虧，熱自內生。新產血去，是以發熱。惟譫妄昏瞽，最是嚇醫之證。渴喜熱飲，宛似虛寒之據。宜其猜風寒而表散，疑瘀血以攻通。帖帖炮薑，人人桃桂，陰愈受劫。病乃日加。幸而痰飲內盛，津液未致涸竭。與鷓鴣飲六神湯去橘半，加西洋參、生地、花粉、竹茹、知母、生白芍。爲劑數日而瘳。逾旬復發熱，或疑涼藥之弊，或謂產蓐成勞，眾

凡痰飲內盛之人，服寒熱藥，皆如石投水。人皆以爲藥賦之異，不知皆痰飲爲患也。

楚咻之病漸進矣。其小姑適吳氏者，向役於冥曹，俗謂之活無常。偶來探病，忽仆地而僵，口中喃喃，或問汝嫂病何如，答云須服王先生藥，人皆異之。次日仍乞診於孟英，曰脈浮數而絃，是風溫也。與前病異，便瀉無溺，肺熱所迫，大渴無苔，胃汁受燥，亟與天生建中湯類灌，卽蔗汁也。藥主大劑甘涼，果得津回舌潤，漸以痊。可病染於姑，孟英診曰：高年陰氣太虧，邪氣偏盛，玉版論要云：病溫虛甚死。言人之真陰甚虛，曷足以禦邪熱而息燎原。可虞在兩候之期乎。至十四天果殞，而嘉順亦染焉。初發熱卽舌赤而渴，脈數且澀。孟英曰：非善證也。蓋陰虛有素，值憂勞。

三江地氣卑溼
夫時溫暖傷寒
之證絕少最多
溼溫風溫之證
又人體質柔脆
不任瀉滌之藥
故惟以甘寒清
解之劑漸次搜
剔斯邪去而正
不傷若在北方
剛堅之體此等
藥雖服百劑亦
若罔知非加硝
黃瀉滌邪終不
去故葉氏之法
擅譽江浙而吳
氏之方馳名幽
冀易地則皆然

哀○痛○之○餘○五○志○內○燔○溫○邪○外○迫○不○必○由○衛○及○氣○自○氣○而○營○急○與○
清○營○繼○投○涼○血○病○不○稍○減○且○家○無○主○藥○之○人○旁○議○譁○然○幸○其○舊○
工○人○陳○七○頗○有○膽○識○力○懇○手○援○孟○英○曰○我○腸○最○熱○奈○病○來○頗○惡○
治○雖○合○法○勢○必○轉○重○若○初○起○不○先○覘○破○早○已○殆○矣○吾○若○畏○難○推○
諛○恐○他○手○雖○識○其○證○亦○無○如○此○大○劑○車○薪○杯○水○何○益○於○事○吾○且○
肩○勞○任○怨○殫○心○盡○力○以○圖○之○病○果○日○重○昏○瞶○耳○聾○自○利○紅○水○目○
赤○妄○言○孟○英○惟○以○晉○三○犀○角○地○黃○湯○加○銀○花○石○膏○知○斛○卮○貝○花○
粉○蘭○草○菖○蒲○元○參○竹○瀝○竹○茹○竹○葉○鳧○苈○海○蛇○等○出○入○互○用○至○十○
餘○劑○舌○上○忽○布○穢○濁○垢○苔○口○氣○噴○出○臭○難○嚮○邇○手○冷○如○冰○頭○面○

亦智者之因地
制宜也

自汗咸謂絕望矣。孟英曰：生機也。彼陰虛熱邪深入，予一以清營涼血之法服，已踰旬，始得營陰漸振，推邪外出，乃現此苔。惟本元素弱，不能戰解，故顯肢冷，而汗僅出於頭面，非陽虛欲脫也。復與甘寒頻灌，越三日，汗收熱退，苔化肢溫。自始迄終，犀角共服三兩許，未犯一毫相悖之藥。且賴陳七恪誠，始克起九死於一生，繼以滋陰善後而康。

翁嘉順之妹，亦染病勢極危，因役於冥曹，自以爲不起。孟英曰：年壯陰充，藥治不謬，焉能死乎？昔人云：見理明者，陰陽五行不能拘，吾當以理勝數。遂按法治之，病乃日減，且慎寒暄，節飲食。

守禁忌調治二旬果然康健。又其姑亦病溫。初不服藥。七日外始。迓孟英診之。曰此病邪雖不盛。第頻吐涎沫。不能出口。須以手擦不飲不食不便不眠。或多言不倦。或久問不答。是七情鬱結。氣久不舒。津液凝痰。邪得依附。治之中肯。尙難卽愈。不藥而待病從何去。遂於清解方中。寓蠲痰流氣通胃舒肝之品。交十四日而熱退。又數日痰沫漸少。又旬日大解。始行粥食。日加而愈。此治一法。直貫到底。不但不犯一分溫燥升補之藥。而滋膩入血之品。亦皆避之。尙須三十劑奏績。若病家不篤信醫者。不堅持。旁人多議論。則焉克有濟耶。然非乃媳前車之鑑。亦未必。

遠爾任賢不貳也。

沈東屏年逾八秩。患腹脹便秘。孟英診曰。老年脈實。天畀獨厚。證屬陽結。法宜清火。與西洋參石膏白芍。知母花粉桑皮杏仁。橘皮枳殼甘草。送更衣丸。四劑而愈。設投別藥。勢必遷延而敗。人亦謂其天年之得盡。斷不料其藥治之誤也。後四年始沒。夏間汪湘筠明府。因食肉病脹。醫謂老年氣弱。火衰。輒投溫補。直至腹如抱瓮。始延孟英視之。彌留已極。不可救藥矣。

顧石甫宰婁縣。患恙。醫治日劇。解任歸。求診於孟英。脈見左寸如鉤。曰病不能夏矣。許子雙適至。聞而疑之。謂此證氣逆血溢。

腹脹囊腫。宛似上年康侯之疾。若以外象觀之。似較輕焉。胡彼可愈。而此勿治耶。孟英曰。彼爲邪氣之壅塞。脈雖怪而搏指不撓。證實脈亦實也。此爲真氣之散漫。脈來瞥瞥如羹上肥。而左寸如鉤。是心之真藏見矣。壅塞可以疏通。散漫不能收拾。客邪草木能攻。神病刀圭莫濟。證雖相似。病判天淵。縱有神丹。終無神也。季春果歿。

孫氏女年將及笄。久患齒齲。多醫莫療。孟英診曰。六脈緩滑。天癸將至耳。與丹參生地。桃仁牛膝。茯苓白薇。滑石芫蔚子。一劑知數日愈。尋卽起。汎略無他患。

遂安余皆山貳尹起復赴都道出武林而患瘧范某云春寒所致用辛溫散之來某謂酒溼之疴治以五苓且雜參歸薑棗之類病乃日甚旬日後脘悶腹脹便秘氣逆躁渴自汗昏瞶不瞑亟迎孟英視之曰蘊溼固然而溫風外襲已從熱化何必夏秋始有熱瘧耶清解之法十劑可安服之果效旬日徑瘥朱念民患泄瀉自謂春寒偶薄而飲燒酒次日轉爲滯下左腹起一痞塊痢時絞痛異常孟英曰陰虛木燥侮胃爲泄誤飲火酒怒木愈張非寒也亟屏辛溫之物用白頭翁湯加苓棟卮連海蛇銀花草決明枳椇子綠豆皮十餘劑而愈

此虛火上炎之
證歸脾中參書
性皆上升故吐
益甚易以引火
歸原之法斯愈
矣

鎖某弱冠吐血楊醫連進歸脾湯吐益甚孟英視之面有紅光脈形豁大因問曰足冷乎探之果然遂與六味地黃湯送飯丸肉桂心一錢覆杯而愈

沈裕昆室偶發腕痛范某與逍遙法痛頗止而發熱咽疼邀顧聽泉視之知感溫邪與清散法疼已而熱不退七日後目閉鼻塞耳聾肢搐不言語不飲食顧疑證險願質之孟英而沈之兩郎皆從王瘦石學因請決於師瘦石亦謂孟英識超我當爲汝致之時已薄暮乃飛刺追邀比孟英往診見其外候如是而左手診畢卽縮去隨以右手出之遽曰非神昏也繼挖牙關察其

苔色白滑。詢知大解未行。曰病是風溫。然不逆傳臚中。而順傳胃府。證可無恐。聽泉學問勝我。知證有疑竇。而虚心下問。豈非胸襟過人處。但溫邪傳胃。世所常有。而此證如是駭人者。因素有痰飲盤踞胃中外邪入之。得以憑藉。苔色之不形黃燥者。亦此故耳。不可誤認爲寒。夫溫爲熱邪。脈象旣形絃滑以數。但令痰飲一降。苔必轉黃。此殆雲遮霧隱之時。須具溫太真。燃犀之照。庶不爲病所欺。且昔人於溫證。僅言逆傳。不言順傳。後世遂執定傷寒在足經。溫熱在手經。不知經絡貫串。豈容界限。喻氏謂傷寒亦傳手經。但足經先受之耳。吾謂溫熱亦傳足經。但手

經先受之耳。一隅三反。既有其逆。豈無其順。蓋自肺之心包病。機漸進而內陷。故曰逆。自肺之胃府病。機欲出而下。行故曰順。今邪雖順傳。欲出未能。所謂胃病則九竅不和。與逆傳神昏之犀角地黃湯證大相徑庭。郭雲臺云。胃實不和。投滾痰而非峻。可謂治斯疾之真詮。遂疏小陷胸合芻飲六神湯加枳樸以蘆。蕪煮水煎藥。和入竹瀝一杯。送下礞石滾痰丸四錢。沈嫌藥峻。似有難色。孟英曰。既患駭人之病。必服駭人之藥。藥不瞑眩。厥疾勿療。盍再質之瘦石聽泉乎。沈頷之。王顧闕方。僉以爲是。且云。如畏劑重。陸續徐投可也。翼曰。孟英與聽泉會診脈證不甚。

減詢知昨藥分數次而服。孟英曰：是勢分力緩之故也。今可釋疑急進，病必轉機。聽泉深然之病家，亦膽壯矣。如法服下，黎明果解膠靱痰穢，數升各恙，卽減略吐，語言稍啜稀粥，苔轉黃燥，藥改輕清，漸以向安，嗣與育陰柔肝而愈。

朱氏婦素畏藥，雖極淡之品，服之卽吐。近患晡寒、夜熱、寢汗、咽乾、咳嗽、脇疼，月餘後漸至減餐經少，肌削神疲，始迓孟英診之。左手絃而數，右部瀟且弱，曰：既多悒鬱，又善思慮，所謂病發心脾是也。而平昔畏藥，豈可強藥再戕其胃？誠大窘事，再四思維，妙○想○可○以○益○人○神○智○以甘草、小麥、紅棗、藕、四味，令其煮湯，頻飲，勿輟。病者嘗藥大喜。

昔余友彭香林
患此證醫雖知
其虛而治不如
法竟以不起今
讀此案彌增惋
歎

徑日夜服之。踰旬復診。脈證大減。其家請更方。孟英曰。毋庸。此
本仲聖治藏燥之妙劑。吾以紅棗易大棗。取其色赤補心氣。香
悅胃加藉以舒鬱。怡情合之甘麥。竝能益氣養血。潤燥緩急。雖
若平淡無奇。而非惡劣損胃之比。不妨久任。胡可以果子藥而
忽之哉。恪守兩月。病果霍然。

江某年三十餘。忽兩目發赤。牙齦腫痛。漸致狂妄。奔走罵人。不
避親長。其父皇皇求孟英診焉。脈大而數。重按虛散。與東洋參
熟地黃辰砂磁石龍齒菖蒲棗仁琥珀肉桂金箔龍眼肉爲劑。
投七卽安。翼日能課徒矣。

金祿卿室沈裕昆之女也。患溫。顧聽泉連進輕清涼解而病不減。氣逆無寐。咳吐黏痰。舌絳咽乾耳聾。讖語旬日。外始逆。孟英診焉。曰體瘦脈細數尺中更亂。竟是陰氣先傷。陽氣獨發。所謂傷寒偏死。下虛人譬之火患將臨。既無池井。缸貯又空。縱竭心力。曷能有濟。再四研詰。乃知發熱前一日。陡然帶下如崩。是真液早經漏泄矣。否則藥治未譌。胡反燎原益熾。瘞厥之變。不須旋踵。祿卿堅懇。勉圖孟英。以西洋參生地二冬二至元參犀角黃連鷄子黃知母爲方。另用石斛龜板鼈甲各四兩。左牡蠣一斤。煮湯代水煎藥。顧聽泉又加阿膠。且云我儕用此育陰鎮陽。

充液息風大劑。焉能津枯風動。痙厥陡生乎。服兩劑果不能減。後惑旁言而禱籤藥。附桂乾薑。罔知顧忌。徑至四肢拘攣而逝。是誤藥速其斃。而增其慘也。繼而裕昆患溼溫。亦犯重暘而亡。一媪患右腰痛。脹欲搥。多藥不效。孟英視其形。雖羸瘦而脈滑。痰多苔黃。舌絳。曰。體虛病實。溫補非宜。苟不攻去其疾。徒以痰藥因循。則病益實。體益虛。糜帑勞師。養成寇患。豈治病之道哉。先以雪羹加竹茹。棟實。綠萼。棗。杏仁。花粉。橘。紅。茯苓。旋覆花。送控涎丹。服後果下膠痰。三進而病若失。嗣與調補獲痊。

楊氏婦。傭居患瀉。久治不瘥。孟英曰。風木行胃也。彼不之信。另

招張某大進溫補乃致腹脹不食夜熱不眠吐酸經秘頭疼如
劈復乞孟英視之先投苦泄佐辛通以治其藥嗣以酸苦息風
安胃匝月乃瘳續與調補汎至而康

魏翎谷挽孟英視其郁甥之病熱踰半月自胸次脹及少腹痛
而不可撫摩便秘溺赤舌黑口乾自汗煩躁六脈絃強無胃曰
此恙酷似傷寒大結胸證結胸煩躁無藥可治越二日便行而
歿孟英曰傷寒之邪在表誤下則邪陷而成結胸未經誤下不
爲結胸溫熱之邪在裏逆傳於心包而誤汗則內閉以外脫順
傳於胃府而誤汗則盤踞而結胸前人但云誤汗劫奪胃汁而

溫病忌誤汗不
忌誤下以汗則
津涸而熱益熾
下則熱勢可藉
以少減也

未及於結胸者。因結胸證不多見耳。然亦不可不知也。故謹識之。郁病初起。某醫用葛根一劑。繼則胡某之柴葛羌防十餘劑。釀成是證。

施氏婦產後。四肢串痛。藥治罔效。醫謂其成癱瘓矣。延已踰月。丐孟英視之。膏藥徧貼。呻吟不息。脈數而洪。舌絳大渴。曰此非風溼爲病。膏藥亟爲揭去。近日服藥。諒皆溫補祛風之劑。營血耗傷。內風欲動。勢將弄假成真。且吾向見其體豐血旺。何以婉後遽患斯疾。必生化湯砂糖酒之類所釀耳。其父倪某目雖瞽。聞而笑云。君誠天醫也。小女服過生化湯二帖。赤沙糖八斤。從

此漸病不識。尙可起廢圖全。否孟英曰。幸其體足於陰。恢復尙易。若陰虛血少之人。而蹈此轍。雖不卽死。難免不成。蓐損。因投大劑涼潤壯水之藥。一劑知。旬日安。匝月起。

王士乾室素多鬱怒。氣聚於腹。上攻腕痛。旋發旋安。花甲外病益甚。醫治益劇。李西園薦孟英視之。曰。此非人閒之藥所能療矣。辭不與方。其夫子及壻環乞手援。孟英曰。旣爾吾當盡力以冀延可也。然腹中聚氣爲瘕。攻痛嘔吐。原屬於肝。第病已三十載。從前服藥。諒不外乎溫補一途。如近服逍遙散。最劫肝陰。理中湯。極傷胃液。名雖療疾。實則助桀。人但知嘔吐爲寒。而未識

用古方不可不知此意

風陽內煽。水自沸騰。專於爐內添薪。津液漸形涸竭。奈醫者猶云。水已不吐。病似漸輕。是不察其水已吐盡。僅能空嘔。所以不能納穀。便秘不行。脈絃無胃。舌痿難伸。蘊隆蟲蟲。何所措手。可謂女人亦有孤陽之病矣。勉以西洋參。肉蓯蓉。麥冬。葶生。白芍。石斛。竹茹。柏子霜。紫石英。爲方。豬肉煮湯煎藥。和入甘蔗漿。人乳服後。嘔噎皆止。人以為轉機。孟英曰。譬草木乾枯已久。驟加灌溉。枝葉似轉青葱。奈根莖槁矣。生氣不存。亦何益耶。繼而糜粥漸進。頗思肉味。其家更喜。以為有望。孟英曰。且看解後。何如。越數日。大便頗暢。殊若相安。亟迓復診。孟英曰。枉費苦

○病○者○宜○推○此○二○語
心矣。脈不柔和舌不潤澤。雖穀進便行而生津化液之源已絕。

藥石焉能於無中生有哉。夏至後果殞。

五月下旬。天即酷熱異常。道路受暑而卒死者甚多。即古所謂中暈也。而不出戶庭之人。亦有是病。延醫不及。醫亦不識。此證雖死。身不遽冷。且有口鼻流血者。孟英曰。是暑從吸入。直犯心臟也。惟新產婦。人陰血大去。熱邪易襲。故死者尤多。奈患者不知因時制宜。尙扇其牕戶。幕以帘幃。環侍多人。皆能致病。又粗工不察天時。人秉之不齊。動輒生化湯。以致覆杯而斃者。比比。即砂糖酒亦能殺人。不可不慎。孟英曰。六一散既清暑熱。又行。

瘀血當此酷暑之令誠爲產後第一妙方特爲拈出幸救將來
孟英曰吾聞姚氏婦妊已臨月腹中作痛家人謂其將娩急煎
參湯令服服後痛益甚忙喚穩婆至已渾身赤斑喘逆昏狂雖
知受暑竟不及救又曹氏婦亦懷妊臨月腹痛家人疑其欲產
而煎參湯迨湯成痛已止察其情景知不卽娩然炎威甚烈參
湯久存欲壞其姑云婦旣未娩豈可服參滯胎我體素虛常服
補劑參湯定亦相宜遂服之甫下嘔卽覺氣悶躁擾霎時危殆
多方拯治踰刻而終予按富貴人之死於溫補者固爲常事當
酷暑之令漫不少懲誠下愚之不可移矣附錄於此以冀司命

之士鑑而戒之。

酷熱之際。瘧疾甚行。有儲麗波患此。陸某泥今歲寒水司天。溼土在泉中運。又從溼化。是以多瘧。率投平胃理中之法。漸至危殆。伊表兄徐和圃薦孟英視之。熱熾神昏。胸高氣逆。苔若薑黃。渴如赭赤。脈伏口渴。不食不便。曰。舍現病之暑熱。拘司氣而論治。謂之執死書以困活人。幸其體豐陰足。尙可救藥。然非白虎湯十劑不能愈也。和圃然之。遂以生石膏知母銀花枳貝黃連木通花粉茹苓杏斛海蛇竹葉等相迭爲方。服旬日。瘧果斷。外甥莊迪卿患瘧大渴而喜熱飲。腕悶脈伏。苔膩欲嘔。孟英曰。

論證論治俱極
明透

蘊溼內盛暑熱外侵法當清解然脈證如是乃痰阻氣道使然
清之無益溫之助桀宜以礞石滾痰丸先爲開導服後痰出甚
多脈卽見絳滑而數嘔止胸舒苔形黃燥與石膏知母連朴杏
橘半茯苓斛菖蒲花粉等藥而安

莊曉村芝階姊夫之姪孫也館於金愿谷舍人家病瘧孟英曰
吸受暑熱清滌卽瘳聞數日瘧作甚劇目赤狂言汗如雨下居
停大驚聞服涼劑疑爲藥誤亟速孟英至正在披狂莫制之時
按其脈洪滑無倫視其舌深黃厚燥心疑其另服他藥之故而
撲鼻吹來一陣薑棗氣因詰曰得無服薑棗湯乎曰恣飲三日

矣○孟○英○卽○令○取○西○瓜○一○枚○劈○開○任○病○者○食○之○方○從○白○虎○而○生○石○
膏○用○一○兩○六○錢○病○卽○霍○然○踰○六○年○以○他○疾○亡○繼○有○陳○仰○山○如○君○
患○瘧○孟○英○連○與○清○暑○法○病○不○少○減○孟○英○疑○亦○薑○棗○湯○所○致○詢○知○
果○然○亟○令○屏○絕○遂○愈○餘○如○汪○子○寬○魏○雲○裳○胡○秋○紉○等○暑○瘧○治○案○
皆○以○白○虎○化○裁○案○多○不○備○載○錄○此○以○待○讀○者○之○隅○反○焉○

陳○某○自○黔○來○浙○一○小○兒○發○熱○肢○搐○幼○科○與○驚○風○藥○遂○神○昏○氣○促○
汗○出○無○溺○適○孟○英○至○而○視○之○曰○暑○也○令○取○蕉○葉○鋪○於○泥○地○與○兒○
臥○之○投○以○辰○砂○六一○散○加○石○膏○知○母○西○洋○參○竹○葉○荷○花○露○一○劑○
而○瘳○繼○有○胡○氏○女○病○略○同○兒○科○云○不○治○因○懇○於○孟○英○亦○以○此○法○

活之。

潘紅茶方伯之孫翼廷館於許雙南家。酷熱之時，啜冷石花一椀，遂致心下痞悶，四肢漸冷，而上過肘，膝脈伏，自汗。方某診謂陽虛陰暑，脫陷在卽。疏大劑薑附丁桂以回陽。雙南在蘇，其三郎杏書駭難，主藥邀族人許芷卿診而決之。芷卿云：此藥斷不可投。第證極危急，須逆孟英商之。時夜已半，孟英往視，曰：既受暑熱，復爲冷飲，冰伏胸中，大氣不能轉旋，是以肢冷脈伏。二便不行，速取六一散一兩，以淡鹽湯攪之，澄去滓，調下紫雪丹一錢。翼日再診，脈見胸舒，溺行，肢熱，口乾舌絳，暑象畢，呈化而爲

認證既確治法
又極精妙真可
爲萬世法程

此溫證之輕者
用藥合法故其
愈甚

瘧與多劑白虎湯而愈丙午舉於鄉

金曉耕發熱二旬醫與表散竟無汗泄嗣投溫補而大解泄瀉
小水不行口乾肌削勢瀕於危胡秋劬薦孟英診之右寸獨見
沈數曰暑熱錮於肺經耳與白虎葦莖天水加芩桔杏貝爲方
服後頭面痞疹徧發密無鍼縫明如水晶光人皆危之孟英曰
此肺邪得泄也果膚潤熱退瀉止知饑又服甘涼濡潤二十餘
劑痞疹始愈亦僅見之證也

何永昌者孟英之輿人也其妻病瘧間二日而作乃母曰瘧不
可服官料藥徑服籤方旬日後勢甚危永昌乞孟英救之脈沈

暑邪入腎必傷
腎液故重用滋
陰之品以救之

細而數尺爲甚。口渴目不欲張。兩腰收痛。宛如錐刺。寒少熱多。心慌不能把握。曰異哉。病也。此暑入足少陰之證。喻氏所謂汗下溫三法皆不可行者。若病在別家。慮其未必我信。病在汝而求診於我。事非偶然也。汝母云。官料藥不可治瘥。此語出於何書。而藥別官私。何人所創。既官料之勿服。則私料更不可妄試矣。殊屬可嗤。然是證若延醫診。非表散卽溫補。不可謂非汝母之一得也。疏方。元參八錢。龜板石斛各一兩。地骨皮六錢。知母五錢。桑葉金銀花各四錢。花粉三錢。丹皮二錢。令用大砂鍋煎而頻服。不必限劑。服三日瘥斷。而各恙皆減。粥食漸進。不勞餘

藥而起。

慎氏婦產後腹脹泄瀉面浮足腫醫與滲溼溫補月餘不效疑
爲蓐損孟英視之舌色如常小溲通暢宛似氣虛之證惟脈至
梗澀毫無微弱之形因與丹參滑石澤蘭茯苓芫蔚蛤壳桃仁
海蛇五靈脂豆卷數服卽瘥

孫某患感醫投溫散竟無汗泄延至十一日始請孟英視之業
已神昏囊縮面赤舌絳目不識人口不出聲胸膈微斑便瀉而
小溲不行者已三日醫皆束手或議大投溫補以冀轉機孟英
論也急止之曰陰分素虧而溫散劫津邪熱愈熾則營衛不行豈可

妄云漏底欲以溫燥竭其欲絕之陰乎。曩浦上林先生治子先君之病云泄瀉爲熱邪之出路求之不可得者胡可止也。以西洋參生地麥冬丹皮連翹生芍石菖蒲鹽水炒黃連甘草梢百合茯苓貝母銀花紫苑爲方一劑卽周身微汗而斑退三劑始得小溲一杯而識人四劑乃得大汗而身熱退面赤去莖亦舒復解小溲二杯次日於方中減連翹菖蒲丹皮黃連加知母葳蕤竹葉投之舌始潤神始清知渴索水孟英令將蔗梨等榨汁頻灌不歇其汗如雨下者三晝夜始休於是粥漸進瀉漸止溲漸長前方又去貝母銀花紫苑加石斛龍眼肉服之全愈。

汪子與病革始延孟英視之曰陰虛之質暑熱膠錮殆誤投補藥矣乃叔少洪云姪素孱弱醫投熟地等藥十餘劑耳孟英曰暑熱證必看邪到血分始可議用生地何初病卽進熟地豈僅知稟賦之虛未睹外來之疾耶昔賢治暑但申表散溫補之戒詎料今人於律外更犯滋膩之辜而一誤至此略無悔悟不啻如油入麵如漆投膠將何法以挽回哉越日果卒夫小米舍人僅此一脈完姻未久遽爾珠沈殊爲慘然冬閒吳忻山亦惟一子素稟虛怯滋補頗投醫者不察其患溫發熱僉謂陰虛競投膩滯培元之劑乃至舌黑卷短唇焦溺赤孟英一診卽云不救

顧聽泉竭力圖維。終不能愈。按虛人受感。每蹈此轍。特錄以爲戒。

汪左泉病滯下。晝夜數十行。而卽日須補。歲考遺才。浼孟英商速愈之策。切脉絃滑苔黃。滿布曰。易事耳。重用芩連佐以查朴。送服青麟丸四錢。投七而痊。略無他恙。

陳晝三病滯下。某進通因通用法。痛泄無度。嘔惡不納。汗出息微。脈弱眩暈。孟英曰。近多伏暑之痢。此獨非其證也。元將脫矣。急投大劑溫補。脈候漸安。一月後甫得健復。

金朗然之母。偶發脘疼嘔吐。醫與溫補藥。初若相安。漸至畏寒。

汪子與證誤服
熱地而不救此
證誤服溫補兼
熱地而等愈蓋
體有虛實治有
遲早邪有重輕
未可以一端拘
也

不寐四肢不仁更醫云是風痺仍投溫補因而不饑不食二便
不行肌肉盡削帶下如溺始延孟英診之曰暑伏肺胃耳其多
投溫補而不遽變者以熱地等陰柔膩滯爲之挾制也然津氣
灼燦而殆盡脂液奔迫以妄行治節無權陽明涸竭焉能衛皮
毛而暢四肢利機關以和九竅哉與白虎湯加西洋參竹茹橘
皮絲瓜絡石斛花粉竹瀝海蛇連進二十劑始解黑矢而各恙
漸安嗣與和肝胃調八脈以善後遂愈李某向患脘痛孟英頻
與建中法獲瘳今秋病偶發他醫診之聞其溫補相投徑依樣
而畫壺盧服後耳閉腿疼不饑便滯仍就孟英視之曰暑邪內

伏○誤○投○補○藥○使○然○治○宜○清○滌○爲○先○彼○不○之○信○反○疑○爲○風○氣○付○外○
科○灼○灸○遂○致○筋○不○能○伸○而○成○錮○疾○孟○英○曰○此○證○較○金○病○輕○踰○十○
倍○惜○其○惑○於○淺○見○致○成○終○身○之○患○良○可○歎○也○獨○怪○謀○利○之○徒○假○
河○間○太○乙○鍼○之○名○而○妄○施○毒○手○舉○國○若○狂○竟○有○不○惜○重○價○求○其○
一○鍼○隨○以○命○殉○之○者○吾○目○擊○不○少○矣○夫○內○經○治○病○原○有○熨○之○一○
法○然○但○可○以○療○寒○溼○凝○滯○之○證○河○間○原○方○惟○二○活○黃○連○加○麝○香○
乳○香○耳○主○治○風○痺○今○乃○託○諸○鬼○神○矜○誇○祕○授○云○可○治○盡○內○傷○外○
感○四○時○十○二○經○一○切○之○病○天○下○有○是○理○乎○况○其○所○用○之○藥○羣○集○
辛○熱○香○竄○之○品○點○之○以○火○顯○必○傷○陰○一○熨○而○吐○血○者○有○之○其○不○

可輕試於陰虛之體。與挾熱之證也。概可見矣。吾友盛少雲之
尊人臥雲先生。誤於此。而致周身潰爛。臥牀數載。以亡。仲聖焦
骨傷筋之訓。言猶在耳。操醫術者。胡忍執炮烙之嚴刑。欺世俗
而罔利哉。

喬有南之姪甫五齡。發熱數日。兒醫與柴葛解肌湯一劑。肢抽
而厥。目張不語。其母孀居。僅此一脈。徧求治療。毫無寸效。所親
徐和甫。託王瘦石訪一擅幼科之長者。瘦石謂宜求善於外感
者。其人。有大小病無二致。切勿舍大方而信專科。此喻嘉言活
幼金鍼也。蓋延孟英視之。徐從之。孟英曰。病是暑邪。治以風藥。

清暑熱燥肝風
方極平尤

熱得風而焰烈津受燥以風騰乃風藥引起肝風再投俗尙驚
風之劑穉子根本不牢而狂風不息折拔堪虞與王氏犀角地
黃湯加羚羊角生石膏元參桑葉菊花銀花牡蠣知母麥冬竹
葉諸藥數服而痊

趙鐵珊乃郎子善康康侯之壻也因事抑鬱凜寒發熱湯某作
血虛治進以歸芎丹參之類多劑不效乃移榻康寓延孟英診
之脈滯而兼沈絀以數然舌無苔口不渴便溺如常納穀稍減
惟左脇下及少腹自覺梗塞不舒按之亦無形迹時欲撫摩似
乎稍適曰陰虛挾鬱暑邪內伏夫鬱則氣機不宣伏邪無從走

此證不過孟英
必成虛損託無
知其爲伏暑者
雖死亦不知前
之誤也

泄○遠○投○血○藥○引○之○深○入○血○爲○邪○踞○更○不○流○行○脇○腹○不○舒○乃○其○真○
諦○第○病○雖○在○血○而○治○宜○清○氣○爲○先○氣○得○宣○布○熱○象○必○露○瘀○滯○得○
行○厥○疾○始○瘳○子○善○因○目○擊○去○年○婦○翁○之○恙○頗○極○欽○服○連○投○清○氣○
熱○果○漸○壯○謔○妄○不○眠○口○乾○痰○嗽○孟○英○曰○脈○已○轉○爲○絃○滑○瘀○血○伏○
邪○皆○有○欲○出○之○機○繼○此○當○用○涼○血○清○瘀○爲○治○但○恐○旁○觀○詫○異○事○
反○擊○肘○囑○邀○顧○聽○泉○質○之○顧○亦○云○然○遂○同○定○犀○角○地○黃○湯○加○味○
而○所○親○陳○眉○生○許○小○琴○暨○乃○兄○子○勉○皆○疑○藥○涼○劑○重○縱○是○熱○證○
豈○無○冰○伏○之○虞○顧○爲○之○再○四○開○導○總○不○領○解○適○病○者○鼻○衄○大○流○
孟○英○笑○曰○真○贖○獲○矣○諸○公○之○疑○可○否○冰○釋○渠○舅○氏○陳○毅○人○鯁○尹○

云證有疑似原難主藥鼻血如是病情已露毋庸再議徑煎而飲之次日屢復至苔色轉黑孟英曰三日不大便療熱未能下行也於前方加滑石桃仁木通海蛇竹瀝石斛銀花知母花粉之類又二劑大解始行黑如膠漆三日閒共下七十餘次而止乃去木通桃仁輩加西洋參麥冬以生液病者疲憊已極沈寐三晝夜人皆危之孟英曰聽之使其陰氣之來復最是好機醒後尚有微熱譫語藥仍前法又旬日始解一次黑燥大便而各恙悉退惟口尙渴與大劑甘涼以濡之又旬日大解甫得復行色始不黑乃用滋陰填補而康。

一圃人詣孟英泣請救命。詰其所以。云家住清泰門內馬婆巷。因本年二月十五日卯刻。雷從地奮。火藥局適當其衝。墻垣靡宇。一震泯然。雖不傷人。而附近民房。撼搖如簸。其時妻在睡中。驚醒。卽覺氣不舒暢。半載以來。漸至食減形消。神疲汎少。惟臥則其病如失。藥治罔效。或疑邪祟所憑。祈禳厭鎮。亦屬無靈。敢乞手援。幸無卻焉。孟英許之。往見婦臥於榻。神色言動。固若無恙。診畢。病人云。君欲觀我之疾也。坐而起。果卽面赤如火。氣息如奔。似不能接續者。苟登圓溲。便必賁逆。欲死。前所服藥。破氣行血。和肝補肺。運脾納腎。清火安神。諸法具備。輒如水投石。孟

仍是治肝之法

英仿喻氏治厥癩疾之法用藥一劑知旬餘愈

高若舟之庶母年踰花甲體豐善瀉張某向用參朮取効今秋患白痢張謂寒溼滯中仍與理中加減病遂日增因疑老年火衰蒸變無權前藥中復加附子白痢果減而腹脹且疼不食不渴噦逆發熱勢已危殆始迓孟英視之脈沈而滑數梗梗曰暑熱未清得無補藥早投乎與芩連杏朴麴芍滑棟銀花海蛇鷄內金之類一劑瀉行痛減而痢下仍白其女爲屠西園之室乃云向服補藥白痢已止今服涼藥白痢復作蓋病本久寒涼藥不可再用矣孟英曰言頗近理使他醫聞之必改溫補但病機

通達之論醫所
宜知

隱○伏○測○識○匪○易○前○此○之○止○非○邪○淨○而○止○之○止○乃○邪○得○補○而○不○行○
之○止○邪○氣○止○而○不○行○是○以○痛○脹○欲○死○夫○強○止○其○痢○遽○截○其○瘡○猶○
之○乎○新○產○後○妄○澀○其○惡○露○也○世○人○但○知○惡○露○之○宜○通○而○不○知○間○
有○不○可○妄○通○者○但○知○瘡○痢○之○當○止○而○不○知○邪○未○去○而○強○止○之○其○
害○較○不○止○爲○尤○甚○也○今○邪○未○清○滌○而○以○溫○補○藥○壅○塞○其○流○行○之○
道○以○致○邪○不○能○出○逆○而○上○衝○噦○不○能○食○是○痢○證○之○所○畏○吾○以○通○
降○涼○潤○之○劑○搜○邪○掃○濁○惟○恐○其○去○之○不○速○胡○反○以○白○痢○復○作○爲○
憂○豈○欲○留○此○垢○滯○於○腹○中○冀○其○化○脂○膏○而○填○空○隙○故○若○是○之○寶○
惜○而○不○願○其○去○耶○幸○若○舟○深○信○竟○從○孟○英○議○尋○愈○

十八澗徐有堂室病痢醫作寒溼治廣服溫補之藥痢出覺冷
遂謂沈寒改投燥熱半月後發熱無溺口渴不饑腹疼且脹顛
痛不眠翁嘉順囑其求診於孟英察脈絃細沈取甚數舌絳無
津肌肉盡削是暑熱膠錮陰氣受燥與北沙參肉蓯蓉芍藥
芍○銀○花○桑○葉○丹○皮○阿○膠○合○白○頭○翁○湯○爲○劑○次○日○各○患○皆○減○痢○出
反熱有堂不解問故孟英曰熱證誤投熱藥熱結而大便不行
者有之或熱勢奔迫而泄瀉如火者有之若誤服熱藥而痢出
反冷者殊不多見也無怪醫者指爲久伏之沈寒吾以脈證參
之顯爲暑熱然暑熱之邪本無形質其爲滯下也必挾身中有

形○之○垢○濁○故○治○之○之○道○最○忌○補○滯○壅○滯○之○品○設○誤○用○之○則○邪○得○
補○而○愈○熾○濁○被○壅○而○愈○塞○耗○其○真○液○之○灌○溉○阻○其○正○氣○之○流○行○
液○耗○則○出○艱○氣○阻○則○覺○冷○大○凡○有○形○之○邪○皆○能○阻○氣○機○之○周○流○
如○痰○盛○於○中○胸○頭○覺○冷○積○滯○於○府○臍○下○欲○髮○之○類○皆○非○真○冷○人○
不○易○識○吾○曾○治○愈○多○人○矣○徐○極○歎○服○仍○議○育○陰○滌○熱○病○果○漸○瘳○
蕭○某○素○患○痰○多○常○服○六○君○子○湯○偶○延○孟○英○診○之○脈○細○數○而○兼○絃○
滑○曰○六○君○亟○當○屏○絕○病○由○陰○虧○火○盛○津○液○受○灼○而○成○痰○須○服○壯○
水○之○劑○庶○可○杜○患○將○來○蕭○因○向○吸○鴉○片○煙○自○疑○虛○寒○滋○陰○不○敢○
頻○服○繼○患○咽○痛○專○科○治○而○不○效○仍○乞○診○於○孟○英○因○謂○曰○早○從○吾○

策○奚○至○是○耶○此○陰○虛○於○下○陽○浮○於○上○喉○科○藥○不○可○試○也○大○劑○育
陰○潛○陽○其○痛○日○蹇○而○喉○膠○皆○形○白○腐○孟○英○曰○吸○煙○既○久○毒○氣○薰
蒸○之○故○耳○令○吹○錫○類○散○始○得○漸○退○愈○後○復○患○滯○下○孟○英○曰○今○秋
痢○雖○盛○行○而○此○獨○異○於○人○切○勿○以○痢○藥○治○之○蓋○火○迫○津○液○結○爲
痰○飲○釀○以○煙○毒○薰○成○喉○患○吾○以○燃○犀○之○照○而○投○激○淘○揚○清○之○治
病○雖○愈○矣○內○蘊○之○痰○濁○尙○多○奈○向○來○爲○溫○補○藥○所○禁○錮○於○腸○胃
曲○折○之○閒○而○不○得○出○今○廣○投○壯○水○之○劑○不○啻○決○江○河○而○滌○陳○莖
豈○可○與○時○行○暑○熱○之○痢○同○年○而○語○耶○治○不○易○法○食○不○減○餐○日○數
十○行○精○神○反○加○踰○月○之○後○大○解○始○正○計○服○甘○涼○約○二○百○劑○肌○肉

復充痰患若失。

孫位申患感證見耳聾醫者泥於少陽小柴胡之例聾益甚孟英視之曰伏暑也與傷寒治法何涉改投清肺之藥聾減病安將進善後法矣忽一日耳復聾孟英診之莫測其故因詰其食物云昨日曾喫藕粉一碗孟英曰是矣肆閒藕粉罕真每以他粉攪混此必葛粉耳不啻誤服小柴胡一劑復投肅清肺胃藥尋愈錄此以見其審證周詳所謂無微不至也。

顧宗武偶患微寒發熱醫進溫散法熱雖退而不饑不大便復用平胃散數帖腹漸脹而偏於右尙疑其中氣之虛寒也遂與

雜論亂投一何
可笑

溫運燥補諸藥。服乃日增。杳不進穀。或謂恐屬癰瘍。因招外科
連某診之。作脇疽治病如故。黃某作腸癰論。以大黃瀉之。亦不
應。嚴某謂脇疽部位不對。腸癰證據不符。作內疝治。仿子和活
人之法。及當歸龍薈丸相間而投。亦無效。乃延孟英視之。脈極
絃細而促。舌絳大渴。小溲赤少。飲而不食者月餘矣。證實脈虛。
堅辭不治。其家問曰。此證究是何病。乞爲指示。孟英曰。據述病
人素慎起居。而薄滋味。顯非停滯與癰疽之患。良由暑溼內蘊。
勢欲外泄。是以初起有微寒發熱之候。誤與風寒藥熱。雖暫退
於表。邪仍伏處乎中。不餓不便。肺胃失其下行。再加辛燥溫補。

三上醫經卷第一
三一
氣機更形窒滯。伏邪永無出路。津液潛消。膜脹日甚。以氣血流行之藏府。爲暑溼割據之窠巢。補之不可。攻之不能。病雖不在膏肓。盧扁望而驚走。踰旬徑歿。

黃蓮泉家戚。嫗病痢。朱某以其年老。而爲舍病顧虛之治。漸至少腹結塊。攻痛異常。大渴無溺。杳不知饑。晝夜百餘行。五色並見。呼號欲絕。始延孟英診之。脈至沈滑而數。因謂曰。縱使暑熱深受。見證奚至是耶。此必溫補所釀耳。夫痢疾古稱滯下。明指欲下而滯滯不通也。顧名思義。豈可以守補之品。更滯其氣。燥烈之藥。再助其虐乎。少腹聚氣如瘕。痢證初起。因於停滯者有

痾疾初起卽補
變成噤口者有
之延爲休患者
有之邪因補而
因結不解雖有
良手無如之何
良可歎恨

之。今見於七八日之後。時欲衝逆。按之不輒。則顯非停滯之可
擬。實爲藥劑之誤投。以致邪濁蟠踞。滋蔓難圖。及檢所服諸方。
果是參朮薑黃附桂粟殼故紙川椒烏梅等一派與病刺謬之
藥。孟英曰。彼豈讎於汝哉。畏老而補之。見痢而止之。亦未嘗不
煞費苦心。而欲汝病之卽愈。惜徒有欲愈之心。未明致愈之道。
但知年老元虛。不聞邪盛則實。彼亦年近古稀。懸壺多載。竟畢
世沈迷於立齋景岳諸書。良可歎也。豈造化果假權於若輩乎。
不然何彼書彼術之風行哉。戚云。壬寅之病。賴君再生。今乃一
誤至此。恐仙丹不能救矣。孟英曰。幸未嘔噦。尙可希冀一二。遂

與○菘○棟○芍○苓○連○橘○斛○查○麴○元○胡○綠○梅○鼈○甲○鷄○金○鼠○矢○海○蛇○出
入○互○用○數○帖○漸○安○繼○加○駐○車○丸○吞○服○踰○月○始○健○

周○某○患○瘡○間○二○日○而○作○寒○少○熱○多○醫○謂○老○年○三○瘡○放○手○溫○補○漸
至○香○不○進○穀○所○親○李○石○泉○孝○廉○囑○迎○孟○英○診○之○脈○細○硬○如○絃○毫
無○胃○氣○右○尺○洪○數○舌○色○光○絳○大○渴○溺○滴○曰○此○足○少○陰○暑○瘡○也○廣
服○溫○補○津○液○盡○劫○欲○以○草○木○生○之○事○不○及○矣○世○但○知○治○瘡○不○善
有○三○患○邪○留○肝○絡○則○爲○瘡○母○戕○及○脾○元○則○爲○瘡○鼓○耗○乎○腎○陰○則
爲○瘡○勞○而○此○證○以○藥○助○邪○邪○將○劫○命○求○轉○三○患○亦○不○能○得○所○謂
熱○得○補○而○更○熾○陰○受○燥○以○速○亡○陰○愈○亡○則○邪○愈○熾○何○殊○炮○烙○之

刑病者何辜。可慘。可慘。踰日果歿。特錄以爲戒。醫者鑒之。
一老廣文。俸滿來省。驗看患眩暈。醫謂上虛。進以參耆等藥。因而不食。不便。煩躁氣逆。孟英診曰。下虛之證。誤補其上。氣分實而不降。先當治藥。然後療病。與卮鼓芥。桔枳橘。苑貝。一劑粥進。便行。嗣用滋陰息風法而愈。

上虞陳茂才患頭痛三日。一發發則惡寒多。藥不效。飲食漸減。或擬大劑薑附。或議須投金石。萬仲信囑其質於孟英。察脈甚絃重。按則滑。曰。熱暑伏厥陰也。溫補皆爲戈戟。與左金加棟芍。卮桑。羚丹。菊橘。爲劑。兼吞當歸龍薈丸。三服而減。旬日卽痊。

因前醫之誤而
始思轉計已非
良醫所爲况明
時溫燥表散之
書而仍蹈覆轍
焉是云醫

關穎庵患寒熱醫者泥於今歲之司天在泉率投溫燥以致壯
熱不休阮某用小柴胡和解之治遂自汗神昏苔黑舌強肢掣
不語脣齒焦張某謂斑疹不達擬進角刺荆芎越醫指爲格
陽假熱欲以附子引火歸原許芷卿知爲伏暑而病家疑便清
不可服涼藥復逆孟英診之曰陰虛之體熱邪失清最易劫液
幸得溱泄邪氣尙有出路正宜乘此一綫生機迎而導之切勿
遲疑遂與芷卿商投晉三犀角地黃湯加知麥花粉西洋參元
參貝斛之類大劑服八九日甫得轉機續與甘涼充液六七劑
忽大汗如雨者一夜人皆疑其虛脫孟英曰此陰氣復而邪氣

解也。切勿驚惶。嗣後果漸安。投以滋補而愈。繼有陳菊人。明府乃郎。病較輕於此。因畏犀角不敢服。竟致不救。豈不惜哉。余某年三十餘。發熱數日。醫投涼解之法。遂嘔吐自汗。肢冷神疲。亟延孟英診之。脈微弱。曰：內傷也。豈可視同伏暑而一概治之。徑不詳辨其證耶。與黃耆建中去飴加龍骨生薑茯苓橘皮。投劑卽安。續加參朮。踰旬而愈。

錢氏婦懷妊四月。而患寒熱如瘧。醫與發散安胎。乃至舌黑神昏。大渴便泄。臭痰頻吐。腰腹痛墜。人皆不能措手。孟英診曰：伏暑失於清解。舌雖黑而脈形滑數。痰雖臭而氣息調和。是胎尙

未壞猶可治也。重用氣血兩清之藥。五劑而安。糜粥漸進。腰腹皆舒。胎亦躍躍。

方氏女久患泄瀉。脘痛。間兼齒痛。汛事不調。極其畏熱。治不能愈。上年初夏。所親崔映溪爲延。孟英診之。體豐脈不甚顯。而隱隱然粒且滑焉。曰。此肝強痰盛耳。然病根深錮。不可再行妄補。渠母云。溘泄十餘年。本元虛極。廣服培補。尙無寸效。再攻其病。豈不可虞。孟英曰。非然也。今之醫者。每以漫無著落之虛字。括盡天下一切之病。動手輒補。舉國如狂。目擊心傷。可勝浩歎。且所謂虛者。不外乎陰與陽也。今肌肉不瘦。冬不知寒。是陰虛乎。

凡病皆宜如此
不獨痰飲爲然

抑陽虛乎。祇因久瀉。遂不察其脈證。而僉疑爲虛寒之病矣。須知痰之爲病。最頑且幻。益以風陽性尤善變。治必先去其病。而後補其虛。不爲晚也。否則養癰爲患。不但徒費參藥耳。母不之信。徧訪醫療。千方一律。無非補藥。至今秋頸下起一痰核。黃某敷之使平。更以大劑溫補。連投百日。忽吐瀉膠痰斗許而亡。予按此痰飲滋蔓。水土相離。久則我不敵彼。而潰敗決裂。設早從孟英之言。斷不遽死於今日也。

康康侯司馬之夫人。泄瀉頻年。納食甚少。稍投燥烈。咽喉卽疼。治經多手。不能獲效。孟英診曰。脾虛飲滯。肝盛風生之候也。用

健○脾○滯○飲○平○肝○燥○熱○入○扣○
參○木○橘○半○桂○苓○棟○芍○木○瓜○蒺○藜○投○之○漸○愈○今○冬○又○患○眩○暈○頭○汗○
面○熱○肢○冷○心○頭○似○絞○呻○吟○欲○絕○孟○英○以○石○英○菟○蓉○牡○蠣○綠○萆○梅○
苓○蒺○棟○芍○旋○覆○爲○方○竟○劑○卽○康○

盛○墨○莊○冬○患○間○瘧○因○腹○脹○畏○寒○自○服○神○麴○薑○湯○勢○益○甚○延○孟○英○
視○之○曰○暑○溼○內○伏○也○以○黃○連○枳○椇○卮○苳○杏○貝○知○解○旋○橘○蘭○草○等○
爲○劑○蘆○菹○煮○湯○煎○藥○三○啜○而○瘳○

龜○繼○仲○患○痺○每○發○於○冬○醫○作○虛○寒○治○更○劇○孟○英○診○之○脈○滑○苔○厚○
溺○赤○痰○濃○與○知○母○花○粉○冬○瓜○子○杏○貝○茯○苓○滑○石○卮○子○石○斛○而○安○
孫○渭○川○令○姪○亦○患○此○氣○逆○欲○死○孟○英○視○之○口○渴○頭○汗○二○便○不○行○

深證乃熱痰伏於肺絡也至冬則熱爲寒束故應時而發古八治法於未寒時先以淡痰九下之使冬時無熱可求則愈但兵法太峻人多取用今孟英輕清通透之說披絡中之伏痰斯有利而無害真可補古人所未及

徑與生石膏。橘貝。桂。芥。知母。花粉。杏仁。海蛇等藥而愈。一耳姓
回婦病瘳。自以爲寒。頻飲燒酒。不但病加。更兼嘔吐泄瀉。兩脚
筋掣。既不能臥。又不能坐。孟英診曰。口苦而渴乎。瀉出如火乎。
小溲不行乎。痰黏且靱乎。病者云。誠如君言。想受寒太重。使然。
孟英曰。汝何愚耶。見證如是。猶謂受寒。設遇他醫。必然承教。况
當此小寒之候。而瘳喘與霍亂。世俗無不硬指爲寒者。誤投薑
附。汝命休矣。與北沙參。生薏苡。冬瓜子。絲瓜絡。竹茹。石斛。枇杷
葉。貝母。知母。卮子。蘆根。橄欖。海蛇。蘆朮。汁爲方。一劑。知二劑。已。
吳芝閣因壯年時患徽瘡。過服寒涼之藥。瘡雖愈。陽氣傷殘。虛

寒病起。改投溫補。如金液丹大造丸之類。始得獲安。奈醫者昧於藥爲補偏救弊而設。漫無節制。率以爲常。馴致血溢於上。便泄於下。食少痰多。喘逆礙臥。兩足不能屈伸。童某猶云寒溼爲患。進以苓薑朮桂湯多劑。勢益劇。且溲漸少而色綠如膽汁。醫皆不能明其故。延孟英診之。脈粒鞭無情。曰。從前寒藥戕陽。今則熱藥竭陰矣。胃中津液皆灼燥以爲痰。五藏咸失所養。而見證如上。水源欲絕。小溲自然漸少。水火內焚。乃露東方之色。與章虛谷所治暑結厥陰。用來復丹攻其邪從溺出。而見深碧之色者。彼實此虛。判分天壤。恐和緩再來。亦難爲力矣。尋果歿。

卽熱入血室亦
豈不可治之證
可見此人并不
知熱入血室爲
何病第妄指其
名耳

戴氏婦年五十六歲。仲冬患感。初服楊某歸柴丹參藥一劑。繼服朱某乾薑蒼朮厚朴藥五劑。遂崩血一陣。謂其熱入血室。不可治矣。始延孟英診之。脈形空爽。促數苔黑。舌絳足冷而強息。微善笑。詢其汛斷踰十載。曰冬溫失於清解。營血暴脫於下。豈可與熱入血室同年而語耶。必由誤服熱藥所致。因檢所服各方而歎曰。小柴胡湯與冬溫何涉。卽以傷寒論亦不能初感卽投。况以丹參代人參。尤爲悖謬。夫人參補氣丹參行血。主治天淵。不論風寒暑溼各氣。初感皆禁用血藥。爲其早用反致引邪深入也。旣引而入。再誤於辛熱燥烈之數投。焉得不將其僅存

此人肺氣素不
清肅又兼陰虛
故欲感受溫

無幾之血。逼迫而使之盡。脫於下乎。女人以血爲主。天癸既絕。無病者尙不宜有所漏泄。况溫邪方熾。而陰從下脫。可不畏哉。病家再四求治。孟英與西洋參。菴蓉。生地。犀角。石斛。生芍。銀花。知母。麥冬。甘草。蔗漿。童溺。兩劑。足溫。舌潤。得解。糞脈數漸減。而稟益甚。乃去犀角。加高麗參。數帖。脈漸和。熱退。進粥。隨以調補。幸得向安。

王開榮素患痰嗽。兼有紅證。今冬病頭疼發熱。渴飲不饑。便澇。溺少。譫語神昏。自述胸中冷氣。上衝。醫見其面赤痰喘。欲投附桂。黑錫丹等藥。所親翁嘉順囑勿輕服。爲延孟英診之。脈滑且

邪彌見轉轉非
此始終如法施
治殊難奏效也

數○日○溫○邪○挾○宿○飲○上○逆○法○當○清○解○與○北○沙○參○冬○瓜○子○知○母○滑○石○
花○粉○石○菖○蒲○貝○母○杏○仁○蘆○根○葱○白○淡○豉○竹○瀝○兩○劑○後○面○赤○退○乃○
去○葱○豉○加○麥○冬○桑○葉○枇杷○葉○數○帖○熱○去○瀉○減○譫○語○止○頭○痛○息○喘○
定○神○清○乃○裁○菖○滑○加○梨○汁○地○栗○海○蛇○服○數○日○痰○漸○少○穀○漸○安○渴○
止○渴○行○始○進○養○陰○之○法○遂○以○霍○然○

石○子○章○患○腹○脹○朱○某○與○大○劑○溫○補○之○藥○殊○若○相○安○孟○英○見○而○非○
之○彼○云○服○之○略○不○助○脹○正○須○多○服○圍○痊○君○何○疑○焉○孟○英○曰○形○瘦○
脈○數○舌○色○乾○紅○此○爲○陰○虛○熱○脹○昔○年○范○次○侯○室○暨○楊○改○之○如○君○
之○恙○皆○類○此○醫○咸○攻○補○徧○施○病○無○小○效○吾○以○極○苦○泄○熱○微○辛○通○

絡之法投之。應手而瘳。今子病初起時。脹不礙食。證非氣分。可知。而溫補不助脹。遂服之不疑。不知陰愈耗。絡愈痺。脹雖不加。而肌愈削。脈愈數。乾喘氣急。與女子之風消息。實何以異耶。尋果不起。予按喻氏始言。男子亦有血壅證。可見男女雖別。而異中有同。同中有異。臨證者不可膠柱以鼓瑟也。

沈某患脘痛嘔吐。二便秘澀。諸治不效。請孟英視之。脈絃。莖。莖。皆黃膩。曰。此飲證也。豈沈湎於酒乎。沈云。素不飲酒。性嗜茶耳。然恐茶寒致病。向以武彞紅葉熬濃而飲。諒無害焉。孟英曰。茶雖涼。而味清氣降。性不停留。惟蒸過爲紅。味變甘濁。全失肅清之

此上有停飲下
元虛寒故用藥
如此

腸癰無溫補內
托之法

清其上源而下

氣。遂。爲。釀。疾。之。媒。較。彼。麴。蘖。殆。一。間。耳。醫。者。不。察。僅。知。嘔。吐。爲。
寒。薑。黃。沈。附。不。特。與。病。相。反。抑。且。更。煽。風。陽。飲。藉。風。騰。但。升。不。
降。是。以。上。不。能。納。下。不。得。通。宛。似。關。格。然。非。陰。枯。陽。結。之。候。以。
連。棟。卮。苳。旋。復。竹。茹。枇。杷。葉。橘。半。苳。澤。蛤。殼。荷。莖。生。薑。衣。爲。方。
送。服。震。靈。丹。數。劑。而。平。匝。月。而。起。

石。苳。卿。驟。患。腹。脹。旬。日。後。臍。間。出。膿。外。科。視。爲。腸。癰。與。溫。補。內。

托。之。藥。遂。咳。嗽。不。眠。腹。中。絞。痛。異。常。痰。色。紅。綠。大。便。不。行。乃。延。

孟。英。商。之。脈。粒。細。以。數。舌。絳。而。大。渴。曰。察。脈。候。是。眞。陰。大。虛。之。

證。者。木。歸。桂。皆。爲。禁。劑。以。甘。露。飲。加。西。洋。參。花。粉。貝。母。杏。仁。冬。

通熱、積於、小腸

乃真陰爲熱藥所乘非

本如是也

王氏醫案續編

卷一

蓋

流自清亦喻氏法也

瓜子投之痰咳即安外科謂此恙最忌泄瀉潤藥不宜多服孟英曰陰虛液燥津不易生雖求其瀉不可得也惡可拘泥一偏而不知通變哉仍以前法去杏貝花粉加知母百合合歡爲方并囑其另邀老醫朱嵩年敷治其外如法施之果漸向安久之當臍痂落如小兒蛻臍帶狀臍內新肉瑩然而愈

袁某患噫聲聞於鄰俞某與理中湯暨旋覆代赭湯皆不效孟英診之尺中虛大乃詰之曰爾覺氣自少腹上衝乎病者云誠然孟英曰此病在下焦用胡桃肉故紙韭子菟絲小茴鹿角霜枸杞當歸茯苓覆盆龍齒牡蠣服一劑其衝氣即至喉而止不

作聲爲噫矣。再劑寂然。多服竟愈。

沈春暘之母。偶患咽喉微痛。服輕清藥一劑。卽覺稍安。且起居作勞如常。第五日猶操鍼。至四鼓。第六日忽云坐立不支。甫就榻卽昏沈如寐。亟延王瘦石視之。用犀角地黃湯化萬氏牛黃丸灌之。繼邀徐小坡。亦主是湯。云恐無濟。乃邀孟英。決之。切其脈。左數右滑。皆極虛。奕曰。王徐所見極是。但雖感冬溫。邪尙輕微。因積勞久虛之體。肝陽內動。燦液成痰。逆升而厥。儼似溫邪內陷之候。方中犀角靖內風。牛黃化痰熱。不妨借用。病可無虞。今日不必再投藥餌矣。翼日復診。神氣雖清。苔色將黑。孟英

與肅肺蠲痰息風充液之劑熱退而苔色鬆浮孟英曰舌將蛻矣仍與前藥越宿視之苔果盡褪宛如脫液之舌且嘔惡時作大解未行孟英於甘潤生津藥內仍佐竹茹竹瀝柿蒂海蛇數劑嘔止便行而舌上忽布白腐之苔此濕熱薰蒸於肺也以及齒齦脣頰滿口徧生指拭不去人皆異之孟英堅守肅清肺胃仍佐茹瀝加橄欖銀花建蘭葉數劑白腐漸以脫下舌色始露惟啜粥則胸次梗梗不舒夜不成寐孟英曰胃汁不充熱痰未淨也仍守前議病家疑之復商於瘦石瘦石云勿論其他卽如滿口腐苔酷似小兒驚白大方證甚屬罕見苟胸無學識者見之必按劍而詫今醫

者有不惑之智。而病家乃中道生疑。豈求愈之道耶。沈大愧服。
一遵孟英設法。既而吐痰漸少。納穀頗適。兩脇又添辣痛。孟英
診脈左關絃數。曰必犯忿怒矣。詰之果然。加卮棟旱蓮女貞生
白芍綠萼梅等數服。各恙皆安。膚蛻成片。而右腿腫痛不能屈
伸。或疑風氣。思用艾灸。孟英急止之曰。此陰虧耳。誤灸必成癆
疾。吾以妙藥奉贈。但不許速效也。疏方以西洋參熟地黃菴蓉
桑葚石斛木瓜歸芍二冬杞菊棟實牛膝加無核白蒲桃乾爲
劑。久服果得向愈。越三載以他疾終。

孫執中於春前四日忽患鼻衄如注。諸法莫塞。晝夜請孟英視

之脈絃而數。曰冬煖氣泄。天令不主閉藏。今晚雷聲大震。人身應之。肝陽乃動。血亦隨而上溢。不可以其體肥。頭汗畏虛脫。而進溫補也。投以元參生地犀角牡蠣知母生白芍牛膝茯苓。側柏葉童溺諸藥一劑。知二劑已。既而脇痛流乳。人皆異之。孟英與甘露飲加女貞旱蓮龜板鼈甲牡蠣而瘳。

王氏醫案續編卷一完

王氏醫案續編卷二 原名仁術志

古杭王士雄孟英醫案

秀水盛鈞少雲

續輯

錢塘周鏐光遠

此案步步合法
特少一番薄瀉
之功故覺少延
時日耳然涼劑
已畏其寒若加
瀉滌之品必不
敢服此治病之
所以難也

莊芝階舍人之外孫汪震官春前陡患赤痢孟英診之脈滑數而沈面赤苔黃手足冷過肘膝當臍鞭痛小溲澆少伏熱爲病也與大劑芩連卮棟滑石丹皮砂仁延胡查麴銀花草決明等藥兩服手足漸溫而腳背紅腫起泡如蒲桃大二十枚四服清熱之藥 滲熱下注也 若於前方加大黃瀉藥當不後腹痛減苔退而渴於原方去查麴砂仁加白頭翁赤芍海蛇

熱久傷陰也。古人急下存陰之。法原以助

旬日後痢色轉白而腿筋抽痛乃去丹皮滑石赤芍加鷄金橘

此法好

紅生苡石斛兩服痛止溲長糞色亦正腳泡潰黃水而平穀食

遂安改用養胃陰清餘熱之法而愈聞孟英治此證每劑銀花

輒兩許尚須半月而瘳設病在他家焉能如此恪信苟遇別手

斷無如此重劑况有冬春之交誠古所未有之痢案後人恐難

企及

吳馥齋室新產後嘔吐不止湯水不能下嚔頭痛痰多苔色白

此○痰○飲○積○肝○寒○上○瀉○粳○米○方○以○降○氣○逆○飲○為○妙○

滑孟英用蘇梗橘半吳萸茯苓旋覆薑皮柿蒂紫石英竹茹一

劑知二劑已

此證明明虛寒何以作虛寒治不效蓋虛寒乃此人之本體而痰咳乃新受之外邪不治其邪而專補其虛則邪無出路以致積補生熱此舌胎之所以黃膩也孟英以清熱化痰爲治尙是一半治病一半治藥誤也

鄭嫗患咳嗽自覺痰從腰下而起吐出甚冷醫作腎虛水泛治漸至咽喉阻塞飲食礙進卽勉強嚥之而胸次梗不能下便澹溲頻無一人不從虛論孟英診曰脈雖不甚有力右部微有絛滑苔色黃膩豈屬虛證以葦莖湯合雪羹加貝母知母花粉竹茹麥冬枇杷葉柿蒂等藥進十餘劑而痊

滿洲少婦懷娠漏血醫投補藥漏如故間或不漏則吐血延踰二載腹中漸動孕已無疑然血久溢於上下甚至納食卽吐多醫不能治孟英診之脈滑數有力是氣實而血熱也證不屬虛補藥反能助病愈補愈漏胎無血蔭而不長其所以不墮者氣

分堅實耳與大劑清營藥血溢遂止而稀沫頻吐得飲卽嘔口
渴心忡氣短似促乃用西洋參麥冬知母石斛枇杷葉竹茹柿
蒂生白芍木瓜重加烏梅投之覆杯卽安次日能喫飯矣

此、俗、所、謂、爛、喉、也。

珠小輝太守令媛驟患頤腫連及脣鼻乃至口不能開舌不得
出孟英視之曰溫毒也用射干山豆根馬勃羚羊薄荷銀花貝
母花粉杏仁竹黃爲劑并以紫雪搽於脣內錫類散吹入咽喉
外將橄欖核磨塗腫處果吐靛涎而腫漸消詰朝卽啜稀粥數
日而愈。

一男子患便血醫投溫補血雖止而反泄瀉浮腫延及半年孟

英診之脈數舌絳曰此病原溼熱溫補翻傷陰液與芩連卮芎
桑葉丹皮銀花石斛棟實冬瓜皮鼈甲鷄金等藥旬餘而愈

陸厚甫室陳芷溥主事之女也產後經旬偶發脘痛專用與溫

脈病何以投溫補不同可知其誤矣

補藥因寒熱氣逆自汗不寐登圓不能解而臥則稀水自流口

渴善嘔查不納穀僉云不起矣乃父速孟英診之脈絃數而滑

建後所用與大虧所以陰虛肝失血養故陽病盛

曰本屬陰虧肝陽侮胃誤投溫補澀滯之劑氣機全不下降以

致諸證蚤起醫者見而卻走是未明其故也與沙參竹茹棟實

延胡卮連橘貝杏斛枇杷葉爲肅肺以和肝胃法覆杯卽安但

少腹隱隱作痛於前方去杏貝竹茹加知母花粉菴蓉白芍橘

核海蛇乃解宿垢而瘳

此厥補之根

周子朝患惡寒頭痛發熱酷似傷寒而兼心下疼脹孟英脈之

右部沈滑苔黃不渴溲如蘇木汁先以葱豉湯加卮連杏貝婁

先解表

橘爲方服後微汗而不惡寒反惡熱雖湯飲略溫卽氣逆欲死

後清裏

孟英曰客邪解矣清其痰熱可也與知母花粉杏貝旋滑斛橘

杷茹茅根蘆根地栗海蛇等藥果吐膠痰甚多而納食漸復惟

動則欲喘於肅上之中佐以滋下爲善其後而瘳

濮樹堂室懷妊五月患春溫口渴善嘔壯熱無汗旬日後始浼

孟英視之見其煩躁譫語苔黃不燥曰痰熱阻氣也病不傳營

孟英於溫熱痰
飲濁有心得故
遇此等證如權
枘在朽合觀諸
案可以得治溫
病之法

血藥禁用。試令按其胸次。果然堅痛。而大解。仍行法。當開上用。
小陷胸加石菖蒲枳實杏仁。茹鬱。卮翹等藥。蘆菔湯煎服。服二。
劑。神情卽安。四帖。心下豁然。惟心腹如烙。嘔吐不納。改投大劑。
甘寒。加烏梅。頻啜。漸康。秋閒得子。亦無恙。

胡振華以花甲之年。患瀉。後出血。水甚痛。自云。溲頗長。激似非。
火證。孟英察脈有滑數之象。與元參生地犀角。卮棟槐蕊。側柏。
知母花粉。石斛銀花甘草梢。綠豆等藥。旬日而痊。踰四載。以他。
疾終。

管氏婦自去秋患赤痢。多醫罔效。延至暮春。孟英診脈。絃。數。苦。

凡厥逆脈伏之
證其熱深厥多
不易解非卓識
定力不惑於證
亦必搖於眾議
矣

黃○渴○飲○腹○脹○而○墜○五○熱○夜○甚○用○白○頭○翁○湯○合○金○鈴○子○散○加○芩○芍○
厄○解○吞○駐○車○丸○淡○旬○而○愈○

濮○樹○堂○室○病○孟○英○甫○為○參○愈○而○樹○堂○繼○焉○起○卽○四○肢○厥○逆○脈○伏○
惡○寒○發○熱○頭○痛○左○為○甚○惟○口○渴○因○與○葱○豉○二○帖○熱○雖○退○脈○仍○伏○
四○肢○冷○過○肘○膝○大○解○頻○行○人○皆○疑○為○虛○寒○孟○英○曰○此○證○儼○似○陰○
厥○然○渴○飲○溲○赤○真○情○已○露○豈○可○泥○於○一○起○卽○厥○而○必○定○其○為○寒○
乎○徑○投○涼○解○熱○果○復○發○而○肢○冷○脈○伏○如○故○幸○病○者○堅○信○服○藥○不○
疑○至○第○七○日○大○便○瀉○出○紅○水○溺○則○管○痛○嘔○惡○煩○躁○徹○夜○不○瞑○人○
更○危○之○孟○英○曰○熱○邪○既○已○下○行○可○望○轉○機○以○白○頭○翁○湯○加○銀○花○

通草芩芍姑滑知斛卮棟羚角之類投三日紅水始止四肢漸
和頗有昏昏譫語用王氏犀角地黃湯一劑四肢熱而脈顯滑
數苔轉灰黃大渴遺溺病人自述如卧烘箱上於昨方加入元
參銀花竹葉生石膏知貝卮斛服一劑夜閒卽安寐而苔轉黑
燥於昨方復加花粉服一劑熱退而頭面汗多嬾言倦寐小溲
陰虛於下病已將愈何疾之有
欲解不通諸戚友咸以爲危各舉所知而羣醫僉云挽救不及
病家皇皇孟英曰此證幸初起卽予診視得盡力以爲死裏求
生之舉非比他人之病皆因誤治致危然不明言其險者恐病
家惶惑而築室於道旁也今生機已得不過邪去眞陰未復但

當恪守予法。自然水到渠成。切勿二三其德。以致爲山虧質。賴有一二知音。竟從孟英議。服西洋參。生地。菴蓉。麥冬。棟芍。知斛。藥一劑。溺行索粥。再服而黑苔退。三服而神清音朗。舌潤津回。唯有靛痰不能吐。左偏頭微痛。於原方加二至。桑菊。貝母。牡蠣。又復五劑。得解。鞭矢一次。各患始安。眠食漸適。而瘳。

陳足甫。漫後見血管痛異常。減餐氣短。孟英以元參。生地。知母。棟實。銀花。側柏葉。卮子。桑葉。丹皮。綠豆爲方。藕湯煎服。二劑病大減。乃去丹皮。柏葉。加西洋參。熟地。服之而瘳。

王開榮。偶患腹中絞痛。自服治痧諸藥。而大便瀉血如注。孟英

診之左頰和右關尺粒大而滑面色油紅喘逆不寐與葦葶湯
合金鈴子散加銀花側柏葉卮斛芩連二帖後面紅退血亦止
乃裁柏葉銀花加雪羹枯荷桿又二帖始發熱一夜得大汗周
時而腹之痛脹爽然若失卽能安寐進粥改投沙參知母花粉
桑葉杷葉石斛白芍橘絡杏仁冬瓜子茅根荷桿三帖大解行
而脈柔安穀

肺、氣、不、清

熱、特、在、肺

陳嬰久患痰嗽氣逆夏初因惡寒自服理中湯遂痰中帶血氣
喘而厥二便不通冷汗腹脹孟英察脈洪大按腹如烙與葦葶
湯加卮棟旋貝花粉海蛇外以田螺大蒜車前草搗貼臍下卽

瀉行而平。

高某患兩膝後筋絡痠疼略不紅腫臥則痛不可當徹夜危坐

孟英切脈虛細苔色黃膩咽燥溺赤與知斛卮棟牛膝豆卷桂

枝竹瀝爲方送虎潛丸旬日而瘳

楊某方作事不知背後有人潛立回顧失驚遂不言不食不寐

不便別無他苦孟英按脈沈絃以石菖蒲遠志琥珀膽星旋貝

竹黃杏仁省頭草羚羊角爲劑化服蘇合香丸二帖大解行而

啜粥夜得寐而能言復與調氣寧神獨飲藥數日霍然

趙聽樵令妹每汛至則腹脹嘔吐腰脊痠疼兩腿腫痛筋掣腕

俱肝氣橫逆之
證其發於汛期
者肝失所養也
孟英死平肝驅
痰而後養血柔
肝亦先標後本
之法

病不甚重治亦
合法而難收捷
效者以陰虛之
熱不勝溫熱之
氣也此即四攝
不可止治之例
設治不如法則
危矣

疼○甚○至○痠○厥○多○藥○不○效○孟○英○以○金○鈴○子○散○合○左○金○加○二○陳○竹○茹○
積○實○桂○苓○數○劑○而○愈○積○用○菴○菴○絲○淫○羊○杜○仲○桑○甚○木○瓜○續○斷○
香○附○歸○芍○苗○棟○調○之○汛○至○如○期○略○無○痛○苦○初○冬○適○楊○子○樸○尋○卽○
受○孕○

濮○東○明○令○孫○女○素○稟○陰○虛○時○發○夜○熱○少○餐○不○寐○仲○夏○患○感○發○疹○
汛○不○當○期○而○至○孟○英○用○犀○羚○知○貝○石○膏○生○地○卮○朮○花○粉○甘○草○竹○
葉○蘆○根○等○藥○疹○透○神○清○唯○鼻○燥○異○常○吸○氣○入○喉○辣○痛○難○忍○甚○至○
肢○冷○復○於○方○中○加○元○參○竹○茹○菊○葉○荷○桿○各○患○始○減○而○心○忡○吐○沫○
徹○夜○不○瞑○渴○汗○便○瀉○改○投○西○洋○參○生○地○麥○冬○小○麥○竹○葉○黃○連○真○

珠○百○合○貝○母○石○斛○牡○蠣○龜○板○蔗○汁○諸○藥○而○愈○
室○
季○秋○適○姚○益○齋○爲○

金○亞○伯○廷○尉○筮○室○產○後○惡○露○不○行○渴○瀉○痰○多○孟○英○以○北○沙○參○滑○
石○生○薏○苡○生○扁○豆○蛤○殼○豆○卷○石○斛○竹○茹○枇○杷○葉○琥○珀○茯○苓○等○藥○
數○劑○而○愈○

顧○竹○如○孝○廉○令○媛○患○感○十○餘○日○耳○聾○不○語○昏○不○識○人○而○客○未○入○

室○彼○反○先○知○醫○以○爲○崇○凡○犀○角○地○黃○牛○黃○清○心○復○脈○等○湯○徧○服○

無○效○已○擬○搗○後○事○矣○所○親○濮○根○厓○囑○其○延○診○於○孟○英○脈○至○滑○數○

舌○不○能○伸○苔○色○黃○膩○遺○溺○便○秘○目○不○交○睫○者○已○四○晝○夜○胸○腹○按○

葉氏云溫邪中
人首先犯肺其
次則入心正此
病也

雖不用下劑而
題經透絡之品
大劑用之亦足
以薄滅邪穢

之○不○柔○與○白○虎○湯○去○米○草○加○石○菖○蒲○元○參○犀○角○鼈○甲○花○粉○杏○仁○
竹○葉○竹○黃○竹○瀝○投○一○劑○卽○譖○語○滔○滔○渠○父○母○疑○藥○不○對○病○孟○英○
曰○不○語○者○欲○其○語○是○轉○機○也○再○投○之○大○渴○而○喜○極○熱○之○飲○又○疑○
涼○藥○非○宜○孟○英○姑○應○之○曰○再○服○一○剂○更○方○可○也○三○投○之○痰○果○漸○
吐○四○劑○後○舌○伸○便○下○神○識○漸○清○乃○去○菖○蒲○石○膏○犀○角○鼈○甲○加○生○
病○後○陰○虛○耗○其○氣○急○救○其○陰○轉○方○甚○合○法
地○石○斛○麥○冬○貝○母○數○帖○熱○盡○退○而○痰○味○甚○鹹○又○去○杏○貝○竹○黃○加○
西○洋○參○牡○蠣○龜○板○菴○菴○服○之○全○愈○踰○年○失○怙○繼○遭○祝○融○鬱○損○情○
懷○誤○投○溫○補○至○戊○申○年○殞○

邵魚竹給諫患感楊某作瘡治不應始迂孟英診之脈實汗多

熱、爲溼、所、

持、故、脈、裏、熱、不、甚、壯、苔、色、厚、膩、嘔、惡、煩、躁、痰、多、腿、痠、顯、是、溼、溫、因、謂、其、令、
郎子旗曰。溼溫者。溼蘊久而從時令之感以化熱也。不可從表。
治更勿畏虛。率補與宣解一劑。各恙頗減。奈眾楚交咻。謂病由。
心力勞瘁而來。况汗多防脫。豈可不顧本原。羣醫附和。遂服參。
歸熟地之藥。病日以劇。最後吳古年診之云。此溼溫也。何妄投。
補劑。然已未從挽救。交十四日而殞。始悔不從王議。

康康侯司馬之夫人久傷謀慮。心火外浮。面赤齒疼。因啖西瓜。
遂脘悶不舒。喜得熱。按泄瀉不饑。自覺舌厚數寸。苔色灰膩。孟。
英與厚朴。滑石。葱白。薤白。枇杷葉。橘皮。薄荷。旋覆。省頭草。一劑。

霍然。

肺、積、熱、於、大、腸。

葉杏江仲郎患發熱泄瀉醫治十七日不效骨瘦如豺音嘶氣逆所親許芷卿薦孟英診之脈數大渴汗多苔黃以竹葉石膏湯加減十餘劑漸以向愈大解反極堅燥繼與滋養而康。

張某患發熱醫知其非寒邪也用清解藥數帖腿痛異常身面漸黃孟英診之脈滑實腹脹口乾與茵陳大黃湯兩劑便行而各恙霍然。

魏女患腳腫嘔吐寒熱便秘孟英與龍膽瀉肝湯而立效繼有孫氏婦患此亦以是藥獲痊。

此亦肝經鬱熱
之證蓋英善於
調肝故應手輒
效

馮姐患左目胞起瘰繼而痛及眉稜額角巔頂腦後筋掣難忍
醫投風劑其勢孔亟孟英診脈絃勁舌絳不饑與固本合二至
桑菊犀羚元參牡蠣鼈甲白芍知母石斛丹皮細茶等出入互
用匝月始愈

濮嫗於酷熱之秋渾身生瘡如疔痛楚難堪小溲或秘或頻大
便登隔則努掙不下臥則不能收攝人皆謂其虛也孟英診脈
滑數舌紫苔黃而渴與白虎加花粉竹葉梔子白薇紫菀石斛
黃蘗十餘劑而痊

姚小蘅太史令姪女初秋患寒熱而汛適至醫用正氣散兩帖

遂壯熱狂煩。目赤。譫語。甚至欲刺。欲殺。勢不可制。孟英按脈洪滑。且數。苔色乾黃。尖鋒。腕悶。腹脹。拒按。畏明。口渴。氣逆。痰多。與○聖○熱○入○無○寒○則○治○桃仁承氣湯加犀角石膏。知母花粉竹瀝甘菊。人謂熱雖熾而○聖○熱○入○無○寒○則○治○汎尚行。何必大破其血。而又加以極寒之藥哉。孟英曰。叟勿過慮。恐一二劑尚不足以濟事。果服兩大劑。始得大便。而神清苔化。目赤亦退。改用甘寒以清之。繼而又不更衣。卽脈滑苔黃。而腹脹更與小承氣湯二帖。便行而各恙過已。數日後又如此。仍投小承氣湯二帖。凡前後六投。下劑才得。波浪不興。漸以清養而瘳。季秋適江右上高令孫明府之子沛堂爲室。

董曉書令正素患腕痛甚至暈厥今秋病腰疼腿木胸悶氣逆不能臥胡某進溫補藥而喘汗欲脫杳不思穀孟英切脈虛細中兼有絃滑舌絳而渴乃陰虛挾痰耳與沙參菴蓉木瓜石斛飲○利○寒○而○不○燥○此○美○英○獨○善○之○藥○蛤殼蒺藜石英茯苓紫苑杏仁棟實首烏牛膝諸藥旬日而安繼加熟地黃服之全愈

王葦塘患滯下醫投枳朴檳查之藥數服後肢冷自汗杳不進穀腕悶腹痛小溲牽疼舉家皇皇孟英視脈細澹舌絳無津是高○年○陰○虧○伏○暑○傷○液○况○平○昔○茹○素○胃○汁○不○充○加○以○燥○烈○之○藥○津○何以堪因與沙參銀花菴蓉白芍石斛木瓜甘草棟實扁豆花

鮮○栢○頭○數○劑○痛○悶○漸○去○汗○止○肢○溫○乃○加○生○地○阿○膠○麥○冬○柿○餅○蒲○桃○乾○等○以○滋○之○居○然○而○痢○止○餐○加○惟○舌○色○至○匝○月○始○津○潤○復○常○陰○液○之○難○充○也○如○此○

沈○緩○齋○令○堂○患○滯○下○色○白○醫○與○溫○運○病○勢○日○劇○腹○脹○昏○瞀○湯○飲○不○下○孟○英○診○爲○伏○暑○用○苓○連○滑○朴○等○藥○沈○疑○高○年○且○素○患○腕○痛○豈○可○輒○用○苦○寒○孟○英○再○四○剖○陳○始○服○半○劑○病○果○大○減○不○數○帖○卽○愈○按○此○等○證○甚○多○奈○執○迷○不○悟○者○雖○剴○切○言○之○不○能○解○其○惑○亦○可○哀○也○已○

一○叟○患○滯○下○色○白○不○黏○不○饑○不○渴○腹○微○痛○而○不○脹○孟○英○切○脈○遲○

微○進○大○劑○真○武○湯○加○參○而○愈○

肺、移、熱、於、肝

方書所載不通如此

程秋霞子患腦漏醫與辛夷蒼耳之藥漸有寒熱改用柴葛羌

防○數○帖○遂○致○寒○熱○日○發○數○次○神○昏○自○汗○勢○甚○可○危○孟○英○用○竹○葉

黃○湯○熱○氣○

上○寒○取○下○

石○膏○湯○一○劑○寒○熱○退○而○神○清○進○粥○繼○以○甘○涼○清○肅○復○投○滋○潤○填

陰○旬○日○而○健○

朱浚宜令堂患滯下醫聞色白而與升提溫補旬日後肢冷自

汗○液○脫○肛○墜○羣○醫○束手○慮○其○虛○脫○因○浼○濮○樹○堂○乞○診○於○孟○英○曰

藥○誤○耳○與○大○劑○行○氣○獨○痰○清○熱○之○藥○果○漸○吐○痰○而○痢○愈○又○其○令

弟○同○時○患○此○五○色○並○見○神○昏○肢○指○大○渴○莖○腫○腹○痛○夜○熱○危○險○異

常○孟○英○察○脈○細○數○與○白○頭○翁○湯○加○犀○角○生○地○銀○花○石○斛○棟○實○延○
胡○芩○連○滑○石○丹○皮○木○通○甘○草○梢○等○藥○三○帖○後○熱○退○神○清○溺○行○搗○
止○乃○去○犀○角○草○梢○丹○皮○滑○石○木○通○加○砂○仁○拌○炒○熟○地○山○查○炭○服○
之○漸○安○半○月○而○愈○

姚○小○蘅○大○令○患○瘧○寒○微○熱○甚○日○作○二○次○汪○某○與○柴○胡○藥○二○帖○勢○
遂○劇○舌○絳○大○渴○小○溲○全○無○孟○英○曰○津○欲○涸○矣○與○西○洋○參○生○地○知○
母○花○粉○石○斛○麥○冬○卮○子○百○合○竹○葉○投○之○五○劑○而○瘧○止○越○三○載○以○
他○疾○終○其○筵○室○同○時○患○此○嘔○吐○脇○痛○畏○寒○不○渴○苔○色○微○白○孟○英○
與○小○柴○胡○湯○三○飲○而○瘳○

孫渭川年踰七旬脈象六陰按之如無偶患音嘶痰嗽舌絳無津孟英用甘涼清潤法音開而嗽不已仍與前藥轉爲滯下色醬溺赤臍旁堅鞭按之趨趨舌猶枯絳渴飲不饑人皆危之孟

此○醫○善○補○

英曰藏熱由府而出痢不足慮第高年陰液難充不能舍涼潤爲方苟犯溫燥其敗可必幸渠家平素恪信竟服犀角地黃知母銀花菴蓉花粉麥冬白芍石斛棟實等藥十餘劑痢止而臍旁柔輒因去犀角加西洋參又服兩旬始解燥矢而溲澈胃甦又服半月復得暢解舌亦潤澤而愈

此、肝、鬱、之、証、非、燥、也

王耕藍室素患腕痛近發寒熱醫與溫補漸至胸痞嘔呃譫語

神昏舌絳面赤足冷自汗瘧仍不休孟英用元參犀角石膏
金○是○救○溫○補○之○藥○高○開○鬱○閉○通○氣○化○痰○於○本○病○亦○宜○
菖蒲連翹杏仁貝母旋覆竹茹枇杷葉竹黃柿蒂竹瀝鬱金諸
藥化服萬氏牛黃清心丸數服而愈

潘祥行在外患瘧買舟歸就孟英視曰苔膩脈熨伏邪所化不
與正瘧同科風寒藥一味不可犯薑棗湯一滴不可啜與知苓
橘半滑朴杏斛花粉省頭草一劑而病若失此等案極多姑載

一一

張與之令堂久患痰嗽礙臥素不投補藥孟英偶持其脈曰非
補不可與大劑熟地藥一飲而睡與之曰吾母有十七載不能

瘥亦分經而治
若陽明瘥正以
白虎湯為主劑
豈有專守一小
柴胡而能愈病
者

服熟地矣。君何所見而重用。顧投孟英曰。脈細痰鹹陰虛水泛。非此不爲功。從前服之增病者。想必雜以參朮之助氣。昔人云。勿執一藥以論方。故處方者。貴於用藥之恰當。病情而取舍得宜也。

陳足甫室懷妊九月而患瘧。目不能瞑。口渴自汗。便澀氣短。醫進育陰清解法。數劑不應。改用小柴胡一帖。而咽疼舌黑。心頭絞痛。乃翁仰山聞之。疑其胎壞。延孟英過診。曰。右脈洪滑。雖舌黑而胎固無恙也。病由伏暑育陰。嫌其滋膩。小柴胡乃正瘥之主方。古人謂爲和劑。須知是傷寒之和劑。在溫暑等證。不特手

足○異○經○而○人○參○半○夏○薑○棗○皆○不○可○輕○用○之○藥○雖○有○黃○芩○之○苦○寒○而○仲○聖○於○傷○寒○之○治○猶○有○渴○者○去○半○夏○加○括○婁○根○之○文○古○人○立○方○之○嚴○密○何○後○人○不○加○體○察○耶○投○以○竹○葉○石○膏○湯○四○劑○瘥○止○便○祕○口○渴○不○休○與○甘○涼○濡○潤○法○數○帖○忽○腹○鳴○泄○瀉○或○疑○寒○涼○所○致○孟○英○曰○吾○當○以○涼○藥○解○之○人○莫○識○其○意○問○難○終○朝○語○多○不○備○錄○果○以○白○頭○翁○湯○兩○啜○而○愈○迨○季○秋○晚○後○發○熱○不○蒸○乳○惡○露○淡○且○少○家○人○欲○用○生○化○湯○孟○英○急○止○之○曰○血○去○陰○更○傷○豈○可○妄○疑○瘥○停○而○攻○之○與○西○洋○參○生○地○扶○苓○石○斛○女○貞○旱○蓮○甘○草○爲○大○劑○數○日○而○安○繼○因○觸○怒○少○腹○聚○氣○如○痕○瘦○痛○夜○甚○人○又○疑○爲○涼○藥○疑

瘵所致。孟英力爲辨折。與橘核。橘葉。橘絡。棟實。菴蓉。木香。卮炭。烏藥。絲瓜。絡海。蛇藕。石斛。兩頭尖等藥。外以葱頭。搗爛。貼之。兩帖後。腹中雷鳴。周身汗出。而痛止。人見其汗。慮爲虛脫。急追孟英。視之曰。此氣行而病解矣。但脈形細數。陰津大傷。苦黃。苦渴。亟宜潤補。奈樞機窒滯。滋膩難投。且以濡養入脈。爲法服之。各恙皆蠲。眠食漸適。緣平素多鬱。易犯痧氣。頻發脫痛。屢次反復。孟英竭力圖維。幸得轉危爲安。漸投滋補而愈。

胡季權子珍官甫六歲。目患內障。繼則夜熱。痰嗽。小溲過多。醫作童損治。服滋補數月。病日以甚。孟英持脈。右大口渴。苔黃。曰

伏熱在肺。法當清解。及詳詰其因。始言病起痞後。蓋餘熱未淨。而投補太早。與滑石。知母。花粉。桑葉。茅根。枇杷葉。蘆根。冬瓜子。杏仁。服二劑。徧身發出班塊。又二劑。班退。苦化。乃去滑石。加沙參。餌之。其熱頭面先退。次退四肢。以及胸背。又數日。甫退於腹。人皆詫其熱退之異。孟英謂熱伏既久。復爲半年之補藥。風滯於其間焉。能一旦盡滌。其勢必漸清而漸去也。熱退既淨。潮亦有節。痰嗽遞竭。餐加肌潤。而內障亦漸除矣。

顧奏雲。季秋患感。醫作虛治。補及旬日。舌卷。痙厥。屢以下。不能略動。危在須臾。所親石誦義。延孟英。設死裏求生之策。察脈虛。

促欲絕。先灌紫雪一錢。隨漑犀角地黃湯二天劑服下。厥雖止而舌腭滿黑。目赤如鳩。仍用前湯三日。聞計服犀角兩許。黑苔漸退。神識乃清。而呃忒頻作。人猶疑其虛也。孟英曰。營熱雖解。氣道未肅耳。以犀角元參石花連翹銀花竹茹知母花粉貝母竹葉爲方服之。次日卽下黑鞞矢甚多。而呃忒止。又三劑連解膠黑矢四次。舌色始潤。略進米飲。腿能稍動。然臂已磨穿矣。與甘潤育陰藥續解黑矢。又五次。便溺之色始正。投以滋養。日漸向安。己酉舉於鄉。其弟翰雲患左胯閒腫。鞭而疼。暮熱溺赤。舌釋而渴。孟英按脈細數。徑用西洋參生地麥冬棟實知母花粉。

銀花連翹甘草黃蘗等藥服旬餘而愈。

康康侯司馬令郎爾九在玉環暑中忠心中汗氣短面赤雲時溼瀾數十次澄澈如水醫會謂虛補之日劇乃來省就孟英診焉左寸關數右絃滑心下似阻因作痰火阻氣心熱移肺治用蛤殼黃連枳實棟實旋覆花粉橘紅杏仁百合絲瓜絡冬瓜子海蛇粉臍竹茹竹瀝梨汁等出入爲方服之良愈而司馬爲職守所羈嘗患恙函請孟英診視者再四竟不克往繼聞司馬於冬仲竟卒於甌乃知病而得遇良手原非偶然前歲遇而今歲不能致豈非命也耶。

許自堂令孫子社患感。延至秋杪。證交二十八日。諸醫束手。渠伯母鮑玉士夫人薦孟英診之。左部數。右手儼若魚翔。痰嗽氣促。自汗。痰瘕。苔色灰厚。渴無一息之停。垂危若是。而皓首之祖孀母少妻相依爲命。環乞拯救。甚可憫也。孟英曰。據脈莫能下手。吾且竭力勉圖。第恐一齊眾楚。信任不堅。則絕無可望之機矣。其母長跽而言曰。唯君所命。雖砒鴆勿疑也。於是先以竹葉石膏湯加減。至五劑。氣平嗽減。汗亦漸收。苔色轉黑。舌尖露絳。改投元參生地犀角石膏知母花粉竹葉銀花等藥。又五劑。痰瘕漸減。舌絳漸退。彼婦翁召羽士爲其拜斗。飛符噴水。鼓樂喧。

關病者卽譫妄不安。神昏如醉。羽士反爲嚇退。夤夜連孟英視之。與紫雪錢餘。神卽清爽。仍用前方。重加竹瀝。服八劑。始解黑如膠漆之大便。而黑苔漸退。右脈之至數始清。惟煩渴不減。令其恣啖北梨。舌纔不燥。痰出亦多。又六劑。舌色乃淡。漉出管痛。熱邪得從下行矣。凡十二日之間。共服大劑寒涼已二十四帖。計用犀角三兩有奇。而險浪始平。續以前法。緩制。服六劑。又解黑矢五次。手足始知爲已有。又五劑。筋絡之振惕始定。略能側臥。嚙語乃息。漸進稀糜。繼灌甘潤。充其胃汁。七八劑後。渴止。知饑。脈皆和緩。又浹旬。穀食乃復。又旬餘。便溺之色始正。前後共

非此無以善其後

下黑矢四十餘次。苔色亦淨。投滋填善後而康。是役也。凡同道暨許之族人戚友。莫不以爲秋冬之交。用藥偏寒。况病延已久。敗象畢呈。苟不卽投峻補。必致失手。旣聞鮑夫人云。歸許氏二十餘年。目擊多人無不死於溫補。此等病曾見之。此等藥蓋未嘗聞也。孰知如此之證。有如此之治。求之古案。亦未前聞。傳諸後賢。亦難追步。蓋學識可造。而腸熱膽堅。非人力所能及。此孟英所以爲不世出之良醫也。

段春木秋杪。患發熱而腰腿痛如刀割。孟英視之。略不紅腫。脈外感溫邪、吳陰內損、無色少陰、至細數。苔色黑燥。溺赤便黑。與西洋參、麥冬、生地、犀角、銀花、棟

實石斛知母甘草竹瀝蔗汁爲大劑投之熱漸退痛漸已惟舌
陰、傷、也。絳無津仍與甘涼濡潤爲方數日後忽舌絳倍加燥及咽膈水
飲不能下噦孟英曰眞陰涸竭藥難奏績矣然竊疑其何以小
愈之後驟爾陰枯或者背予而服別藥乎繼其契友來詢云段
死而舌出此曷故歟孟英聞之爽然大悟因擷傷寒女勞復之
文示之其人頓足云良然彼於小愈後曾宿於外次日歸卽轉
劇苟直陳不諱或尙可治孟英曰未必然也燒視散鼠矢湯皆
從足少陰以逐邪不過熱邪襲入此經所謂陰陽易是也今少
腹無絞痛之苦原非他人之病易於我真是女勞之復以致眞

陰枯涸。更將何藥以驟復其真陰哉。然從此而女勞復與陰陽易一虛一實有定論。不致混同而談治矣。

顧昇庵參軍之仲郎久患多疑善恐不出房者數年矣。食則不

肯與人共案。臥則須人防護。寡言善笑。時或遺精。多醫廣藥。略

無寸效。孟英切脈甚滑。數與元參丹參竹黃竹茹丹皮黃連花

粉。卮子海蛇。勃。臍。爲劑。送服。當歸龍薈丸。四帖。卽能出署。觀劇。

遊淨慈。而登吳山。參軍大喜。歎爲神治。次年爲之配室。

陳某偶患溏泄。所親鮑繼仲云。余往歲患瀉。治不中肯。延逾半

載。幾爲所困。今秋患此。服孟英方數劑。霍然。故服藥不可不慎。

也。蓋延孟英治之。陳因中表二人皆知醫。招而視之。以爲省便。輒投以溫補健脾之藥。數日。後瀉果減。而發熱昏瘧咽喉黑腐。熱得補而不行其居停觀穎山疑病變太速。囑其請援於孟英。孟英診曰。遲矣。病起泄瀉。何必爲寒。正是伏邪自尋出路。而溫補以固留之。自然內陷厥陰。不可救藥。果卽殞焉。繼有高小垞孝廉令弟雨生。因食蟹患瀉。黃某用大劑溫補藥。瀉果止。而頸筋痠痛。舌絳。嘔渴。口氣甚臭。孟英持脈沈數。曰。食蟹而後瀉。會逢其適耳。脈證如斯。理應清潤。奈病人自畏涼藥。復質於吳某。亦主溫補。服及旬日。昏瘧舌黑而斃。

此肝氣挾停飲
上逆也緣案嗜
瓜果胃腸久傷
故於平示滌飲
之中加參以扶
胃氣

金某久患脘痛按之漉漉有聲便秘溲赤口渴苔黃杳不知饑
絕粒五日諸藥下噦傾吐無餘孟英察脈沈弱而絃用海蛇勃
臍各四兩煮湯飲之徑不吐痛亦大減繼以此湯煎高麗參黃
連棟實延胡卮子枳椇石斛竹茹柿蒂等藥送服當歸龍薈丸
旬日而安續與春澤湯調補收績蓋其人善飲而嗜瓜果以成
疾也

喬有南年三十九歲患牝瘡二旬醫治罔效所親徐和圃疑爲
伏暑迓孟英往診脈微無神倦臥奄奄便秘半月溺赤不饑痰
多口甘稍呷米飲必揉胸槌背而始下苔色黑膩而有蒙茸之

象乃曰此精氣神三者交虛之證不可與時行伏暑晚發同年而語也幸前手之藥法主運中尚無大害與參朮桂附沈香拌炒熟地鹿角石英菴杞歸茯杜仲棗仁菟絲山茱橘皮霞天麴胡桃肉等出入爲大劑投十餘帖寒後始有熱而苔色乃退口不作渴甘痰亦日少粥食漸加卽裁桂附白朮加石斛又服七劑解黑燥大便甚多凡不更衣者四旬二日矣寒熱亦斷安穀溲澄而竟愈或謂先生嘗警人溫補之非何一旦放手而大用孟英曰溫補亦治病之一法何可廢也第用較少耳世之醫者眼不識病僅知此法可以媚富貴之人動手輒用殺人無算豈

非將古人活世之方。翻爲誤世之藥。可不痛恨耶。

陳媪患。牝瘡。月餘。腹脹。便秘。嘔多。不饑。口淡。脈滑。孟英主連。棗。橘。貝。杏。茹。旋。苑。杷。蒺。爲。方。數劑。卽瘳。

此與前案虛實相反。正可對看。

此當是痰閉氣

結之故。蘇合丸

辛香通氣。故愈。

若是肝浮氣逆。

益以香竄之藥。

安能愈乎。

孟英治其令弟季傑之。筵室因夜閒未寐。侵晨飲酒解寒。適見人爭。許卽覺心跳欲吐。家人疑其醉也。而欲吐不出。氣卽逆奔。如喘。且肢麻。手握。語言難出。又疑爲急痧。而欲刺之。孟英聞而視之。脈象絃駛。曰。夜坐陽升。飲醇則肝陽益浮。見人爭許。是驚則氣更上逆。不可刺也。灌以蘇合香丸一顆。下嚔卽瘳。黃漫吉截瘡後患浮腫。趙某聞其體素虛。切其脈絃細。遂用溫。

補。馴。致。呃。忒。不。休。氣。衝。礙。臥。飲。食。不。進。勢。瀕。於。危。請。孟。英。決。其。及。返。餘。杭。否。孟。英。曰。脈。雖。絃。細。而。有。力。子。必。誤。服。溫。補。矣。肯。服。吾。藥。猶。可。無。恐。因。與。括。婁。薤。白。合。小。陷。胸。橘。皮。竹。茹。湯。加。柿。蒂。旋。覆。蘇。子。香。附。赭。石。紫。苑。杷。葉。爲。方。四。劑。而。瘳。

吳。馥。齋。室。春。閒。婉。子。不。育。汛。事。亦。未。一。行。偶。患。嘔。吐。發。熱。眩。暈。心。膈。大。解。溏。泄。口。渴。溲。痛。或。疑。其。娠。或。疑。爲。損。孟。英。診。曰。產。及。一。載。而。經。不。至。腹。不。脹。脹。絃。緩。非。娠。非。損。乃。血。虛。痰。滯。而。感。冬。溫。也。以。羚。羊。淡。豉。竹。茹。白。薇。卮。子。杷。葉。知。母。葱。白。花。粉。投。之。三。劑。熱。退。吐。止。去。葱。豉。羚。羊。加。生。地。甘。草。橘。皮。調。之。而。愈。

盛犀林廣文之僕患血痢自秋徂冬半年罔效孟英察脈細弱而口乾腰膝痠疼與鹿角霜茯苓枸杞杜仲菟絲續斷血餘有脂木瓜砂仁末炒熟地黃十餘劑而痊

徐月巖室患周身麻木四肢癱瘓口苦而渴痰冷如冰氣逆嘔汎愆腹脹頻飲極熱薑湯似乎暢適深秋延至季冬服藥不愈孟英診脈沈絀而數曰溺熱如火乎間有發厥乎病者唯唯遂以雪羹旋赭卮棟茹斛知母花粉桑枝羚羊橄欖蛤殼爲方送下當歸龍薈丸服之遞效二十劑卽能起榻乃去羚羊加西洋參生地茯苓藕投之漸愈

雪羹旋赭丸

當歸 龍薈 薈 丸

洋參 生地 茯苓 藕 投 之 漸 愈

雪羹 旋赭 丸

洋參

張肖江妹。暮冬患感。朱某進溫散藥數服。病日劇。比孟英視之。目。瞪。不。語。面。赤。氣。逆。晝。夜。需。人。抱。坐。四。日。不。著。枕。矣。乃。冬。溫。挾。痰。誤。提。而。氣。不。肅。降。也。以。旋。楮。杏。貝。花。粉。茅。根。冬。瓜。子。紫。苑。薤。白。粳。仁。蘇。子。石。菖。蒲。竹。瀝。爲。劑。蘆。菔。湯。煎。三。帖。大。便。行。而。能。臥。矣。自。言。胸。中。迷。悶。改。用。小。陷。胸。合。三。子。養。親。加。沙。參。知。母。旋。貝。竹。茹。枇。杷。葉。數。劑。熱。退。知。饑。而。愈。嗣。有。王。炳。華。子。患。感。葉。某。用。溫。散。藥。而。氣。逆。嘔。臥。四。明。老。醫。王。秉。衡。作。腎。虛。不。能。納。氣。治。連。服。大。劑。溫。補。喘。嗽。益。劇。面。浮。跗。腫。擡。肩。自。汗。大。渴。脇。痛。乞。治。於。孟。英。已。半。月。不。交。睫。矣。診。其。脈。右。部。絛。大。而。強。舌。根。黑。苔。如。煤。

者兩條。面黎形瘦。幸而大解。溏泄得能消受。許多誤藥。徑與旋
赭。黃連。枳實。括婁。蘇子。杏仁。紫苑。生石膏。蘆薈。汁。六大劑。始能
就枕。而大渴不止。脘腹反形痞脹。按之堅痛。乃去旋赭。少加白
芥子。半夏。薤白。兼令日啖北梨數十枚。服旬日。胸腹皆舒。苔色
盡退。唯嗽未已。改用西洋參。杏仁。貝蘆根。知母。冬瓜子。花粉。柿霜。
杷葉。竹瀝。十許劑。嗽止。而跗腫渴瀉。亦皆霍然矣。凡啖梨三百
餘斤。聞者莫不詫異。